



सानसेयारि "बड'सा" खौरालाइयाव समाजयारि जिउजो लोब्बा थानाय रायथाय, खन्थाय, खल, खल'बाथा आरो दावबायारि थावनि, पार्क बाइदिनि सायाव लिहनाय लिहबिदां देथाय हर। सानसेयारि "बड'सा" खौरालाइया खेबखानाबे फोखावगेब।  
बड'सायाव लिहहरनायनि हुहा खालाम, "बड'सा" खौरा नोथा, जो बयबो आंगो खालाम।

सानसेयारि बड'सा मावखुलि  
माइब नोगोर, जोहोलाव दैमालु लामा  
कक्राझार, बिटिसि-783370  
Website: www.bodosanewspaper.com

BODOSA ★ A Bodo News Daily ★ Tuesday ★ 1 August, 2023 Kokrajhar, BTC, Assam ★ Vol.- 33, Issue No. 128 ★ R.N.I.Regd. No. 40994/91, Assam Govt.Regd.No.IPRD.40/2006/13, ★ Rs.8/-

कक्राझारआव  
हमगार्ड जवानखौ  
खासि-बिस्रियै  
बुथारदों



कक्राझार, 31 जुलाइ:  
कक्राझार जिल्लानि कारियाव  
पुलिस आउट पस्टिन सिडव  
थानाय दाबलेगावआव थानाय  
हराव मोनसे खासि-बिस्रियै  
(□ 5 बिलाइआव)

## आसामनि केबिनेट मन्थि केशव महन्तआ कक्राझार फाहामथाय फरायसालिमा आरो देहा फाहामसालिनि थासारिखौ खौरां लाफैदों

कक्राझार, 31 जुलाइ:  
बिटिआरनि गाहाइ राजथावनि  
नोगोर कक्राझार सहरनि साखाथि  
देवरागव बेसरबारिआव लुफुनाय  
कक्राझार फाहामथाय  
फरायसालिमा आरो देहा  
फाहामसालिखौ बावैसो दान  
सिगां बेखेवनायनि उनाव  
आथिखालाव बे देहा  
फाहामसालिआव फाहामथाय  
होनाया सोलिगासिनो दड। बे  
देहा फाहामसालिखौ  
बेखेवनायनि उनाव आसामनि



देहा आरो नख'र अन्साइ  
बिफाननि मन्थि केशव महन्तआ  
दिने गिबि खेब दावबायफेनाने  
मेडिकल कलेजनि सोलिफु  
थासारि आयदानि सायाव खौरां  
लाफैदों। मन्थि केशव महन्तआ  
कक्राझार मेडिकल कलेज  
दावबायफेनाने बे मेडिकल  
कलेजनि गासै जेना, गोनाथि  
जानाय मुवा-बेसाद आरो  
सोलिबाय थानाय थासारिनि  
सायाव मेडिकल कलेज  
(□ 5 बिलाइआव)

## कक्राझारआव असम गन परिषदनि गेदेर मावफारिया मेल

2024 लकसभा बिसायख थियाव राइजो-राजाफोरा बिजेपि, अगप  
आरो इउपिएल जुथाय दोलोखौनो हेफाजाब होगोन: अतुल बरा

कक्राझार, 31 जुलाइ: फैगौ  
2024 नि लक सभा  
बिसायख थिखौ नोजोर बोनाने  
गुबुन गुबुन राजखान्थि  
दोलोफोरजों लोगोसे बिजेपि  
दैदेनाय राइज्यो सरकार  
खुथायनि गोहोआव थाफानाय  
असम गण परिषदआबो  
दोलोखौ गोखों खालामनो  
थाखाय दानिफ्रानयो साखा-  
फरा जादों। दासान्दि राइज्योनि  
दाब-दाब जायगाफोराव  
मावफारिया जथुम खुनायनि  
गेजेरजों 2024 नि खुजानो गोनां  
लकसभा बिसायख थिखौ मिर  
खालामनाने दोलोखौ गोखों  
खालामनायनि थांखि



रन्सायगसिनो थानायखो नुनो  
मोन्दों। बेबादिनो दिने  
समवारखालिबो कक्राझार

लकसभा बियाबनि थाखाय  
दोलोखौ गोखों खालामनो  
कक्राझारनि बड'फा हरिमुवारि  
जथुमसालिआव दोलोनि  
मावफारियाफोरनि मोनसे गेदेर  
(□ 5 बिलाइआव)

## मनिपुरआव गोजोन थासारि फैफिन्नायनि थाखाय कक्राझारआव म'मबाथि फोजोदों

कक्राझार, 31 जुलाइ:  
बिटिआरनि सदर कक्राझार  
सहरनि जेडि र'डआव थानाय  
बड'फा गथ'सा पार्क नि  
लांगोनायाव दिने मनिपुरनि  
दाडा-बाजिखौ बन्द  
खालामनाय आरो बे दाडा-  
बाजियाव जिउ गोमानायाव  
सुबुंफोरनि जिउमानि गेजेननि  
थाखाय दुलाइ बर' फरायसा  
आफादआ म'मबाथि फोजोनाने  
आर'ज गाबो। कक्राझार जिल्ला  
एबसुनि बान्जानायाव खुनाय  
बे म'मबाथि फोजोनाय  
हाबाफारियाव एबसुनि सा 100  
निबो बांसिन दैदेनगिरि,  
मावथिफोरा, सोद्रोमाफोरनि  
अनगायबो बर' थुनलाइ  
आफाद, बर' समाज बायदि  
आफादनि थान्देफोराबो बाहागो  
लायो। बे हाबाफारियाव बाहागो  
लानाने एबसुनि मिरुनि गाहाइ



नेहाथारि खनिन्द्र बसुमतरिआ  
मनिपुरनि गोजोन गैथै थासारिया  
जाहाथे जोबलाडे बेनि थाखाय  
मेटेड आरो कुकि हरिखौ दाडा-  
बाजि फोजोबस्नानाने गोजोन  
थासारि गायसन्नायाव बाहागो  
लानो खावलायहरो। बेबायदिनो  
भातर सरकारखोबो बे बिथिडव  
गोनाथि बादियै राहा लानै  
सिगांनि बायदियै बिदा-

फं बायनि सोमोन्दोखौ  
लाखिलानो थाखायबो बिथाड

खावलायहरो।  
गुबुन फासिंथि,  
तामुलपुरनि मथंगसकआवबो  
एबसुनि तामुलपुर जिल्ला  
आफादनि बान्जानायाव  
म'मबाथि फोजोनाय हाबाफारि  
खुनाय जायो। एबसुनि गासै सा  
100 निबो बांसिन दैदेनगिरि-  
मावथिफोरनि बाहागो लानायाव  
खुनाय बे म'मबाथि फोजोनाय  
हाबाफारिखो बेखेवना होयो  
तामुलपुर जिल्ला एबसुनि  
आफादगिरि बानेश्वर नाजरीआ।  
(□ 5 बिलाइआव)

## बाक्सा जिल्ला कंग्रेसआ बेसेन बांनानयनि हेंथायै सोमावसारदों



तामुलपुर, 31 जुलाइ: सानफ्रोमबो बाहायजाना जाग्रा आदार  
आरो गुबुन मुवा-बेसादनि अनगायबो मुलि, संग्रा गेस, पेट्रल,  
डिजेल्जों लोगोसे गथ'साफोरनि जाग्रा आदारनि बेसेन बांनानय  
आरो जिएसटि फोनांनयनि हेंथायै दिने तामुलपुरआव बाक्सा जिल्ला  
कंग्रेसआ गोखों सोमावसारो। कंग्रेसनि गोबां दैदेनगिरि-मावथिफोरा  
तामुलपुरआव थानाय रजिब भवननिफ्राय तामुलपुर खाजोना बेंखन  
बिबानगिरि मावखनसिम मोनसे हान्जा सुरनाय हाबाफारिबो खुडे।  
बाक्सा जिल्ला कंग्रेसनि आफादगिरि साजिया बेगमनि दैदेनायाव  
खुनाय बे सोमावसारनाय हाबाफारियाव (□ 5 बिलाइआव)

## नेसनेल हेल्थ मिसन आसामआ देहा सिबिथाय आयदानि सायाव मावबादा मेल खुदों

गुवाहाटी, 31 जुलाइ: नेसनेल  
हेल्थ मिसन, आसामनि मिसन  
डिरेक्टर ड० एमएस  
लक्ष्मीप्रियानि दैदेनायाव दिने  
गुवाहाटीनि आसाम  
एडमिनेस्ट्रेटिभ स्टाफ  
कलेजआव राइज्योनाडे देहा  
सिबिथाय होनाय आयदानि  
सायाव मोनसे मावबादा मेल  
खुनाय जायो।  
बे मावबादानि  
गेजेरजों सोलिफु समाव  
राइज्योनाडे नेसनेल हेल्थ  
मिसन आसामआ देहा  
सिबिथाय बिथिडव खामानि  
मावगासिनो थानाय आयदानि  
बागै गुवारै सावरायलायनायनि



गेजेरजों फेबाय थानाय  
समफोराव माबोरै खामानि  
मावनो थांखि लादों बेफोरनि  
थाखथियारि एक्सन प्लानखौबो

जिल्ला थाखोन  
मावख'गिरिफोरा मिसन  
डिरेक्टर ड० एमएस  
लक्ष्मीप्रियाआ गावबा गाव  
जिल्लायाव सिबिथाय  
होनायनि बागै रोखायै  
फोरमायथिनाने होयो। दिनेनि  
बे मावबादायाव एनएडएसएम  
जनेल एडमिनेस्ट्रेटिभ अफिसार  
एसिआस मावख'गिरि पंकष  
सामुआ, नेसनेल हेल्थ मिसन  
राइज्योयारि मावख'गिरिफोरा  
आरो गुबुन गुबुन बिफाननि  
बिबानगिरिफोराबो बाहागो  
लादोंमोन।□

## सलिकान्दाआव गिखंथाव अर खामदों

तामुलपुर, 31 जुलाइ:  
तामुलपुर पुलिस थानानि सिडव  
थानाय सलिकान्दाआव थानाय  
हराव मोनसे गिखंथाव अर  
खामनाय जाथाय सोमजियो। बे  
अर खामनाय जाथायाव गंसे  
गलाजों लोगोसे गासै गंथाम  
न'फोरा खामनाने सेवहांगार  
जायो। सुतुडा मिथिहोनाय  
बादिब्ला, सोरोसि बुब्लिनि 2  
रिगासोयाव सोमजियाने बे अर  
खामनाय जाथायाव सलिकान्दा  
सकनि कादेर आलिनि गंथाम  
न', नोगोद 1 लाख रुं, माय  
बखि आरो माखासे गोनांथार  
फोरमान लाइजों लोगोसे मन्नु



खन्दाकर, आबुल गनिनि गला,  
आयुब आलिनि जिनि गला  
आरो सामाद आलिनि पान्जाब  
नेसनेल बेंकनि गंसे सिपसपि  
सेन्टरआ अर खामनाने सेवहांगार  
जायो। जाथायनि बागै खौरां  
मोन्नाय लोगो लोगोनो  
तामुलपुर, रडिया आरो

## सुबनखाता ओन्सोलाव एयारटेल टेलिकमआ खैफोद लाबोदों

मुसलपुर, 31 जुलाइ: बाक्सा  
जिल्लानि सुबनखाता  
ओन्सोलाव एयारटेल  
टेलिकमआ खैफोद लाबोदों।  
एयारटेल टेलिकमआ थार  
फोनांजाब होनायनि मुडव  
हाखर जावनायनि जाउनाव जल  
जीवन बिथांखिनि दै रानसारया  
पाइपआ खहा जादों। गुबुन  
फासिंथि जेराव-मेरावो हाखर  
जावनायनि जाउनाव  
हान्थामेलानि राहनि फासैबो  
खैफोद लाबोदों। मख'नो  
गोनांदि, थानाय माखासै  
(□ 5 बिलाइआव)

## सुबनखाता ओन्सोलाव एयारटेल टेलिकमआ खैफोद लाबोदों

मुसलपुर, 31 जुलाइ: बाक्सा  
जिल्लानि सुबनखाता  
ओन्सोलाव एयारटेल  
टेलिकमआ खैफोद लाबोदों।  
एयारटेल टेलिकमआ थार  
फोनांजाब होनायनि मुडव  
हाखर जावनायनि जाउनाव जल  
जीवन बिथांखिनि दै रानसारया  
पाइपआ खहा जादों। गुबुन  
फासिंथि जेराव-मेरावो हाखर  
जावनायनि जाउनाव  
हान्थामेलानि राहनि फासैबो  
खैफोद लाबोदों। मख'नो  
गोनांदि, थानाय माखासै  
(□ 5 बिलाइआव)

## सुबुंफोनांजाब बिथोनगिरि मावख'नि साथाम बिबानगिरि-मावफारियाफोरा आजिरा मोनबाय

दिसपुर, 31 जुलाइ: दिने  
फोरमायथाय आरो सुबुं  
फोनांजाब बिथोनगिरि  
मावख'याव खामानि मावनाय  
साथाम बिबानगिरि-  
मावफारिया फारियै जथाय  
बिथोनगिरि ज्यतिर्मय चक्रबर्टी,  
गोजौ थाखोन हेफाजाबगिरि  
निरदा बसुमतरि आरो कारिकरि  
दालाइनि गागि मावफारिया  
खर्गेश्वर दासआ आजिरा लायो।  
बिसोर साथाम बिबानगिरि-  
मावथिफोरनि आजिरा मोनायनि



लोब्बायै बिथोनगिरि मावख'नि  
सावराय न'ब्लाडाव मोनसे  
बिदाय मेल खुनाय जायो।  
सुबुंफोनांजाबनि बिथोनगिरि  
मानबेन्द्र देब रयनि आफादगिरि

मासि सामब्लायनायाव खुना बे  
मेलव आजिरा मोन्नाय  
बिबानगिरि-मावफारियाफोरखौ  
मान बिलाइ, गामसा, बान्था,  
थेरसि आरो सुबुंफोनांजाबनि

गोसोखाथिजों बिदाय होनाय  
जायो। मेलव बिबुंथि होना  
माखासै बिबानगिरि-  
मावफारियाफोरा बिथांमोनजों  
(□ 5 बिलाइआव)

# सुजुगिरिनि खोलोम

## सुबुं समाजयाव फोर्बोनि गोहोम

आथिकाल फुजानि बोथोरा बारग 'नायनि सम जाबायब्लाबो रंजानाय-बाजानायनि बोथोरा जोबनानै फैयाखैं। रंजानाय बाजानाय फुजा बोथोरा बोसोर खालाव खेबसे खेबसेयै नुजाफैयो। फुजानि अनगायैबो गोदान बोसोर, मागो दमासि, रंजलि बैसागुफ्रानो गाहाय होन्नानै बुंजायो। टाउन-सहर, गामि जेरावबो बेफोर बोथोराव उन्दै-गेदेर, हिन्जाव-हौवा बयनिबो गोसोयाव रंजा-खुसिनि दोहौं जाखांफैयो। बोसोर खालाव सुबुंनो खेबसे रंजानायनि फोर्बोया गोनां जाखायोबो। बायदि बायदि बिमुंजो बुहुमनि दाब-दाब जायगायाव फोर्बो फालिनानै रंजायो-बाजायो गोसोनि गोजोन्नाय लायो। बेनि गेजेरजोबो समाज, ओन्सोल आरो बायदिसिना हारि-माहारिनि गेजेराव अनज्जायनाय, गोजोन थासारि लाखिनाय आरो दाफुंनायाव गेबे बान्जायनाय सौफैयो। बेराफासे रंजालु फोर्बोनि मुडै मेला खुंनायाव मोजा बान्जायनायजो लोगोसे गाजि हामजायैबो साबफादेरो। जाउनाव ओन्सोलनि, समाजनि फारफ्रोम विथिडावनो गाजि गुबुले बार बारबोनाय आरो गाजि हुदा नेमखांथि रोदोमखांनय फैयो। फोर्बोनि मुडै दाब-दाब जायगाफ्राव खुंनय मेलायाव जुवा, जुवा हारिनि गेलेनाय बाहायलायनाया इयुन जोलैनि उन्दै-उन्दै गथ'साफोरनि जिउ, सोलौंथाय, आखल आखु दानांगोयाव हेंथा सोमजिजाहो नोनय नोजोर गोलैयो लोगोसे समाजयारि, रांखांथियारि आरो थासारिनि फासैबो ख'हा सोमजि होनायनि लामा थायो। बेफोरनि अनगायै नांलाय-खमलाय, बुलाय-सोलायबो साबफादेरो। दावराव-दावसिनि थासारिखौ असिला लानानैनो समाज बेरेखा सुबुंफ्रा बाइदि विथिजो ओन्सोलाव गुबुले थासारि लाबोनायनि राहा लामा लानायनि खाबु थाहैयो। समाजनि बेफोर बानजायै हाबाया मोनसे हारि, समाजनि थाथायखौल' गोफोन खालामा गुबुन हारि-माहारिनि गेजेरावबो रोखोमसे गोहोमानो गोलैफायो। जाउनाव गावजो गाव अनज्जायनाय, खौसेथिखौ सिमफायनो बोलो मोनो। गुबुंयै सोलौंथायारि, रांखांथियारि आरो समाजारि विथिडेनो गोबांसिन ख'हा खालामनायनि लामा थाहैयो। जुब्रा हालोदनिफ्राय मानबायस्तिंनो रोंनाय समाजनि गेजेराव ख'हा खालामग्रा बियाद गोसारदलानो खाबु मोन्नो हायै बादि समाजनि मोनफ्रोम आफाद, गौथुम, बिमा-बिफा आरो मेलेमजिबि, दैदेनगिरिफ्रानो गोखौ नोजोर लाखिनायनि बिबान दं। समाजनि गोगो जौगाखां लाबोनायानो हादत आरो हालामनिबो जौगाखांनय सौफैयो।

### सुंद'सल'

-धनेस्वर बसुमतारी कक्राझार

# जेखाइजो सेल्फी

बेलासि बुब्लियाव ना गुरना मंग्लिनय देहाजो आलैसो जिरायनानै गोसोआव गोलैदो 'गोदान फेसालि' खिन्थिथाम फावथाय थुन फावथिना बिजाबाव बिलोगो सानै गयति आरो सोमस्त्रिमोननि ना गुरनो थानाय आरो गाथा जाग्राफोरनो दुब्लियाव ओंखाम हैनाय समाव लामा गेजेराव लोगो मोनलायना मिनिबाला बाला दबानि गय खान्दि रानना जानाय समखौ। फारागथि! गैया नड दड्खाय नुबोनाय जाथाय नड्खावो सुंद'सल', सल'मा, थुनफावथाइ, खन्थाइ बायदिफोराव रोखायै बेरखानाय जाथायफोरानो गोसोआव बिलिफैयो जानांगो हुरा हुरा बिलिनि गोसो गोरबोखौ। मोनाबिल सम जानायखायसो बिमानि राव मोननायखाय आंगो सांगो सुट्टि मोनखांदो बिलिया। गामियारि सिख्ता! बिब्दि होन्नानै गामियारि सिख्ताफ्रानो बेबादिजोब बिब्दिबो नंजोबा। दैज्जानि मेसेनि गायनाय फुनायनि, माइ हानाय बायदिफोरजो

लोगोआव न'खरारि हाबा हुखा आरो बर'फोरनि दोरोआरि हाबा हुखाफोराव आखा-फाखा नंदायाब्लाबो गावखौ फोरमान होनो हानायसेबांखौ रोंगो। महराव मोखांआव बासिनो हाया बर'नि फिसा सिनुफावदारनि गोनांथि गैबांआ मोखांआव सिथर थरसे गैयै सोमज्जोयैनो बालेलें जारोरो जेंग्रेमें मै फालांगि बायदि। इसोरासो अनख्ल'दो नामा सानफलांगारनो हागौ गुमुर मोननाय मानसिफ्रा आखलाव-आखु आव, महराव-मोखांआव, मावनायाव-दांनायाव जेरावबो जेना बिलिआ। सोलौंथाइनि बाश्रा सावरायोब्ला गुबुननि रुजुनायाव खमबो नंथा थेवबो हाथखि नम्बर लालायना गोजौ थाखोफ्राव उथ्रियाखेब्लाबो सेथि थाखोआव उथ्रिबोदो बारबोनाय आनजादफोरखौ। सिबाय रांखावरियाव नोरजिया जानाय न'खरलाइ गुबुनफोरबादि गावसुंथा फरायसालि (private) आव नड सरकारी फरायसालियाव न'नि ओंखाम गोजां जानानै

ओनसोलनि फरायसालियाव नो फरायबोनानै दायो बर' बिफानाव आरिमु जालियानि ड'थि खोन्दो (6 semester) नि आनजाद जोबखानानै फिथाइ नेगासिनो थानाय आरो ब ड ' ल ण ड मुलुगसोलोसालियाव एम.ए. फरायनो साखाफारा जानानै दड। गामियारि बर' नख'रफोरानो गोबांसिनै आबाद मावनानै जाग्रा बुंब्लाबो बुंदायनाय जाया। बेबादिनो बिलिमोनहाबो नख'राव जा एसे हा दं बेखौनो माइ आबाद मावनानै खुनुखुम थेर थेर सोलियो, बुनो थान्वा सरकारी माइरं मोनाब्लाबो रसा नाड। नाथायवा देग्लाइनि बोथोरासो बोथोर बारग'लांब्लाबो माइजिलि फोनो मोनाखै जाउनाव माइ गायनानै जाग्रा सुबुंफोरा गोबांथार जेनाजो नो मोगा मोगि जानांदो जानांगो। आमथिसुवा फोरबोआव सिरिसे रंजानायनि उनाव दुब्लि फोथाराव सानुं अखाजो दावहानांनो ग्रेम ग्रेम जायोमोन नाथाय देग्लाइनि बोथोर खानांनय। बोथोर बारग'लांनयनि उनाव

आमथिसुवा समावसो जुब जुब अखा हानानै दंग' दैसा सिरि मोनखानायल' नड गोबां दै लोमसावनानै जायगा जायगा गोबां बिथिडे गोबां ख'हाबो जालांबाय। माथो खालामनो हानो बेनोथ' मिथिगायारि जाथाइ। आग्ला आमथिसुवा बायब्लासो माइजिलि फोनयनि मुखुब जाख्वायोमोन नाथाय मानसिफोरनि गोसोआव गोदान गोदान सानसिफोरा जाखांबाय थायोखाय आरो सम बोथोरफोरा सोलायबोनायाव आग्लानि थासिरिया दायो गैथारलामोन थेवबो देग्लाइना बें समनिखौनो लाबोफिननायनि इसारा बादि नुयो। माइ गायनाय सम जाथयैजो नागारगोदान अखानि उनाव साननि दुंखावनायदो दुब्लिनि दे आरो दबा दबिफोरा फुदुनयनि महर मोन्दोखाय थुडाबथालांनय नाफोरा थैनायजो जुजिगासिनो जानांगो बे असिलायैनो बिलिया खारस्तिउ खारस्तिउ थांदो जेखाइ खबाइ लानानै। न'खाथियैनो PWD लामा साखाथिनि ना मोनसोप्रा दुब्लियाव खर'आव फालि

खानानै औवा मेवाइ बायदि आदैखौ दिनथिना सेरेरे जानजियाव खबाइ खानानै ना गुरनाया थारैनो सान राजाखौ जावलिखा खालामनो जानांगो। बे बुब्लियाव नो बिलिजो फ रा य स ा ल म ा य ा व फरायजावनाय लोमोफोर सानैया scooty जो फेनानै हरन होफैयो। बुंनो गोनांदि गामि खाथिनिनो सिगां गोजौ फरायसालियाव फरायब्ला जयैनो फरायबोखानाय बुंनो थांब्ला उन्दैनिफायो थाखो लोमो। हरन हरनायखौ खोनांदोब्लाबो खोमा सुआखै बिलिया लामानि मानसि बेबा सोरहा सोरखौ हरन होदो बोरेथो थाल लानो ओरेनोबा ना मोनसोगारनानै सानुंनि दुंखावनायानो सुदेम बारसो जालायथारदो जानांगो। खनसे नड खननै नड हरन हरबाय थानायखाय सोदोब फेनायथि खनसे नाहरगारदो नुमारनो बिलिया मिनिस्लु रावजो फगिलिफ्रा बुंनानै लोमोफोरनिथि मोखां जाबोयो। थाबायबोयैनो ज़ाव ज़ाव दैनि गावनाय सोदोबनि गेजेरावनो बुंहरगारदो बिलिया 'बेबेयाव थानो? जारौ हाइड्रिडफोर' जंखायनाय रावजो। माबा बुंबावगोमोन जानांगो बिलिया। बिलिखौ बुस्लाबजोबैवाव नो बारस'यो लोमो सासेथा दा थानानै फनखौ नायदो मिचकल जाहैनायजो बुंजोब्याय जानांगो! नोंसिनाव थांखांबाय जो नोंनि बिमा मादेया खोनथाहरनायखायसो बेसिम सौफैबाय जो 'बिलिया बारस' फिनो- 'जाबायना दालाय लोमो मोनबायना थुदो बिब्दिब्ला खान्थाल-थाइजो जौ सेल्फी लाहैदिनिलाय आमथिसुवा बिदाइनि।' 'हरलाय जेखाया खबाइया' बुंनयजो मावनायजो समान समान थडुम हनहरगारदो बिलिनि आखायनिफ्राय जेखायखौ आरो खबायखौबो बिदो बिलिनाव। 'दिनै खान्थालजो नड नोंनि जेखाइजोसो सेल्फी लागोन एनिअवे रिप्लस'। 'नाया गगोन फगिलि' खबाइखौ खेवनानै लोमोनो हरो। नाखौ नुमारनो 'आयु फगिलिया नाखौबो

बुरजा मोनथारबाय माथो होरलागासे हरनांगोन बिलि'। 'मानो हरलांबावनांगो जाखो फगिल रिप्लस खालामस्लाइ स्लाइ बोथिसे गुरना लांदो आरो'। उन्दै समाव बिलिमोनजो नो ज'ज' ना गुरलाइग्रा लोमोआ दायो फरायसालिमा समखौ लजि थानानै फरायनायाव नो सोहोरनि बारहावना गवनि गोदान आखु। सिगांनि बायलेंलें जेखौबो रोंसोगारग्रा लोमोआ दायो भावथिनागिरि बायदि भावथिनाल' खालामथारसे माथो। गोलोम बोथोरनि दुंलोबनाय सोलेरखौ जोख्लोबजोबनो हायै ट्रेस गाननानै ना गुरनाय बेसे गनायथाव बुंनो थांब्ला गवनि सागराव बर' सिख्तानि ना गुरनाय। माथो होनबाव नो, सोरथो होबावगोन, सोरथो बुंजाबावगोन दानि जुगावलाइ जाथाइया जाब्लासो गाफलायोना भावथिनासो बेखौबो बुंनो गो नो गोथोआवसो गोलैयो। बुंनो थान्वा My life My decision होनायफोर बायदिसो। देबोरनानाय समाजारि बिजो जौगानोबो गोलै आरो जौगायोब्लाबो थाबनो हाखराव गोलैनोबो सम नड मानोना समाजारि बिजोआव जौगानाय थासारिया गवनि मोजा रोंगोथिनि सायाव सोनारो बिब्दि होन्नानै आखुआ थिक नडब्ला हाखराव गोलैगोनानो बेखायनो गावखौ हमथानानै थानांगोआ गावबा गवनि बिबान मानोना दानि समाजारि बिजोआव नो सानफ्रामबो नुखायो। माब्लाबानो रिप्लस खालामखांबाय जानांगो जेखाइ-खबाइ बिलिनो होफैयो। 'कमेन्टफोरखौथ' मोजां हरखानाय नड बिलि Facebook, Instagram, YouTube बायदिफोराव थेवबो हगारदिनि फगिल भाइरल जानानै थाबेनो फेमास जानायनि 'खनसे हादे मिनिनानै थादिनि थु खान्थालजो सेल्फी लालांबावदिनि' थु थुडो बुंनानै बिलिया जानजियाव खबाइ खाफिनना जेखाइ लाना थाबायफिनो न'फारसे।

## बेरेखा दोलोफोरनि 'इन्डिया' आ झारखण्डआव राइज्योनाडै धर्ना होदो

गोदान दिल्ली, 31 जुलाइ: बेरेखा दोलोफोरनि जुथाइ पार्टी इन्डियान नेसनेल डेभेलपमेन्टल इनक्लुसिभ एलयेस इन्डियाआ हिंसाजो जोब्लावनाय मणिपुरआव सा 2 आइजोफोरखौ लंथ खालामना राजा लामायाव थाबायहोनाय समाज बेरेखा मुथैथाव जाथाइनि हेंथा मंगलवारआव झारखण्ड राइज्योनाडै धर्ना खालामनानै सा-सान्जा राइज्योनि मणिपुरआव हादतगिरि खुंथाइ जाबसिननांगौनि गावसिनि दाबिखौ गोखौसिन खालामगोन। बे थांखिखौ कंग्रेस भवनआव जुथाइ पार्टीनि राइज्योआरि थाखोनि जथुमायाव लानाय जादो। जथुमाखौ दैदेननायनि उनाव कंग्रेसनि झारखण्ड आफादनि आफादगिरि राजेश ठाकुरआ बुडोदि, मणिपुरनि सानै आइजोखौ अनागार खालामनाय जाथाइनि बेरेखायै। आगस्तआव गन्चीनि राजभवन आरो राइज्योनि गुबुन जिनफोरनि कालेक्टर मावख' मोखांआव धर्ना खालामनो थांखि लादो। बेनि गेजेरजो



झारखण्डआव राइज्यो बेंगिरिनि गेजेरजो हादतगिरिनिमिसम मोनसे फोसावदिबो गथायगोन आरो मणिपुरआव थाबेनो हादतगिरि खुंथाइ लाबोनो खावलायगोन। कंग्रेसनि दैदेनगिरिया दायबो जाबसिन्दोदि, मिरु आरो मणिपुरनि डबल इन्जिन सरकार सा-सान्जा भारतनि राइज्योआव आइजोफोरनि हेंथा क्राइमखौ होबथानायाव फेलें जादो। इन्डिया जुथाइ पार्टीआ मणिपुरआव आइजोफोरनि सायाव आरोबाव गारलोबनायखौ सहायनाय नड। जथुमायाव झारखण्डनि संसदारि हाबाफारि मन्थि

आलमगीर आलम, कंग्रेसनि गागि दैदेनगिरि अन्धु टिको, 'जार्खण्ड मुक्ति मर्चा (झामम) नि राइज्यसभा सोद्रोमा भिजय हांसदा, झामम'नि गागि दैदेनगिरि विनद कुमार पान्डेनि अनगायै जनता दल (इउनाइटेडनि) झारखण्ड आफादनि आफादगिरि मिरु महत', राष्ट्रीय जनता दलनिफ्राय कर्मिडनिस्ट पार्टी (भकपा) निफ्राय अजय सिं आरो भाकपा (माले) निफ्राय जनादंन सिंआबो बाहागो लादो।

## अस्ट्रेलियानि दरसे राइज्योआव 2024 निफ्राय माखासे सुबुंफोरा गेसनि आंखालआव गोग्लैगोन

केनबेरा, 31 जुलाइ: अस्ट्रेलियानि भिक्टोरिया राइज्यो सरकारआ 2024 निफ्राय गोदान नख'रफोरग गेसनि फोनांजाबखौ बन्द खालामना होगोननि फोसावलाइ होदो। भिक्टोरियानि सरकारआ मोनसे फोसावलाइनि गेजेरजो फेगो 2024 नि 1 जानुवारिनिफ्राय गोदान नख'रि सुबुंफोर आरो माखासे रिडिडेनसिएल साब-डिभिजनफोरनि थाखाय इलेक्ट्रिक



'फोनांजाबनिल' खाबु होगोनखौ रोखा खालामदो। सरकारनि बायदिब्ला, गासै गोदान बिलिडंफोरग सुबुंफोरा थोजासे इलेक्ट्रिक एबा मोब्लिबनि खाबुखौ मोनगोन। जायनि फारियाव फरायसालि, देहा फाहामसालि, पुलिस थाना आरो गुबुन सरकारि मावख'फोरनि न' बिलिडंफोरगो थाफागोन। रिपटनि बायदिब्ला, राइज्यो सरकारआ वे थांखिखौ मुलुगआव गेसनि बानाय बेसेन आरो बेनि साफ्हाइ हसनायाव माखासे गिनांगौनि थासारिखौ

नोजोर लाखिनानै बे थांखिखौ लादो। राइज्यो सरकारनि बायदिब्ला, भिक्टोरिया राइज्योआव अस्ट्रेलियानि गेजेराव नो रिडिडेनसिएल एबा नख'रआव बाहायजाग्रा गेसखौ बांसिनै बाहायो। रिपटआव मिबथिहोनाय बायदिब्ला, बे राइज्योनि 80 जौखोन्दो नख'रिफोरगो गेसजो नख'रनि जामुंफोरखौ खालामो। भिक्टोरिया राइज्योनि मन्थि लिलि डि अम्ब्रशियआ फेगो समफोरनि गेजेराव गुबुन गुबुन बिलिनि गेजेरजो गेस आरो माखासे

बेसादफोरनि बेसेन बांगोनखौ फोरमायदो। लोमोसे भिक्टोरियानि सुबुंफोरनि थाखाय मोब्लिबनि खाबुखौ थोजासे जगायनानै गेस बाहायनायखौ लाडाइ खालामनायनि थांखि लानायखौ फोरमायो। बिथाड फोरमायनाय बायदिब्ला राइज्यो सरकारआ 2045 सिम राइज्योआव मोब्लिबनि फोनांजाबखौ आबुडेनो जाफुंसार होगोन आरो गेसनि बाहायनायखौ बाडाइसिनाव लाबोनायनि थांखियाव दड।

## दिनैनि फान्जामुथि

- राशि बाइदियै मुनि गिबि हांखो**
- मेघ : अ ल बृष : ऊ ब (उ ए इ) मिथुन : क छ (ङ घ) कर्कट : ड ह सिंह : म ट कन्या : प ठ (ण ष) तुला : त र वृश्चिक : ब न धनु : ध भ (ढ फ) मकर : ख ज कुम्भ : ग श (स) मीन : द च (ख ज झ)
- मेघ:** माबाफोर दुखुआव गोलैबायनो हागो। जेखियानो जाया गोसो हमथानानै सोलिनगोन।
  - बृष:** दिनेनि दिनआव सुखुयै थानो हागोन। गोजोनै सम बारहोनो हागोन। मोजां सान।
  - मिथुन:** देहायाव सानाय-सुनाय बेराम सिखांबायनो हागो। देहाखौ सांग्राडै लाखिनगोन।
  - कर्कट:** बहाबाफोर दावबाय हैनानै गोजोन्नाय लानो हागोन। मोजां सान।
  - सिंह:** माबाफोर खामानि मोनानयनि सुजुग-सुबिदा मोन्नो हागोन। गोसोखौ गोजोन मोनगोन।
  - कन्या:** जेखि जाया शुभ खामानि मावनानै लानो हागोन। मोजां सान।
  - तुला:** बे राशिनि थाखाय अशुभ दिन। मोजां खामानिखौ मावनो नाड। गोसोखौ हमथा।
  - वृश्चिक:** नख'र संसार जानायाव गोजोन्नाय गैयै सोमजिनो हागो। गोसोखौ हमथाना था।
  - धनु:** जेबो जेना-जैसि गैयै थानो हागोन। फारफ्रोमबो मोजां।
  - मकर:** जेखियानो मावा फालांगिआव रांखावरि मुलाम्फा मोन्नो हागोन। मोजां सान।
  - कुम्भ:** जेखियानो जाया नख'रनि गोथार खामानि मावनानै लानो हागोन। जाफुंनो हागो।
  - मीन:** सुथुर थानायफोर जोबसालानो हागो। गोजोनै थानो हागोन। मोजां सान।

No. DME/PG/107/2023/11210

**EDUCATIONAL NOTICE**

**COUNSELLING FOR DEPUTATION/ SPONSORED APPLICANTS FROM ASSAM FOR M. PHIL IN PSYCHIATRICS SOCIAL WORK/ CLINICAL PSYCHOLOGY/ B. SC. NURSING AT LGB REGIONAL INSTITUTE OF MENTAL HEALTH, TEZPUR**

In pursuance of letter from the LGB Regional Institute of Mental Health, Tezpur vide No. LGB/Esst/2033/Vol.1/3265, dated 09/06/2023 & LGB/Esst/2033/Vol.1/4288, dated 26/07/2023, this is for general information to all the concerned that **1 no. of seat each in M. Phil Clinical Psychology, M. Phil Psychiatric Social Work & M. Phil M. Sc. Nursing** at LGB Regional Institute of Mental Health, Tezpur will be kept reserved for candidates sponsored from Assam.

Accordingly, a counselling is scheduled on **3rd August 2023 (2:00 pm)**, at the office of the DME, Assam, Sixmile, Khanapara, Guwahati-06, for interested eligible in-service candidates willing to undergo Post Graduate courses in M. Phil Clinical Psychology, M. Phil PSW, M. Sc. Nursing at LGB Regional Institute of Mental Health, Tezpur.

All candidates should appear personally for the counselling on the scheduled dates and time and must bring with them all original testimonials, recent passport size photo, etc. along with a set of photo copies of the testimonials.

The details of eligibility of candidates and documents to be produce at the time of counselling is uploaded in the official website of this Directorate [www.dme.assam.gov.in](http://www.dme.assam.gov.in)

**NB: If the seats are not filled up by in-service candidates, then the seats will be open for others as sponsored candidates.**

Sd/-  
Director of Medical Education, Assam

**JANASANYOG/D/7986/23**

No. RDC/MDS/03/2017/

**ADMISSION NOTICE**

**Counseling for Admission into Post Graduate in MDS Courses in the Regional Dental College, Guwahati for the Session 2023**

It is for general information to the candidates that the counseling for admission into the MDS courses in the Regional Dental College, Guwahati (Assam Quota) for the Session 2023 will be held on **9th August 2023 (Wednesday)** at Office of the Director of Medical Education, Assam, Sixmile, Khanapara, Guwahati-22 at 11:00 a.m. Candidate whose names have appeared in the State of Assam merit list of NEET-MDS-2023 conducted by the National Board of Examination, New Delhi and who secured merit position upto 10<sup>th</sup> in the said merit list as well as who have fulfilled all the eligibility criteria for admission into MDS courses against Assam State Quota seats as per rules are hereby requested to physically appear for the counseling with their necessary documents as per schedule mentioned above.

Sd/-  
Principal  
Regional Dental College, Guwahati-32.

**JANASANYOG/D/7994/23**

## मिजरामआ मिरु सरकारनिफ्राय अन्सुंथाइ मोनाखै

आइजल, 31 जुलाई: मिजराम नख'र मावख'नि सिनियर बिबानगिरिआ मिबथिहोनाय बायदिब्ला, राइज्योआव सोलिनाय हिंसायारि दाडाबाजिनि जाउनाव गासै 12,600 निबो बांसिन न' नागारनाय सुबुंफोरनि थाखाय मिरु सरकारनिफ्राय दासिमावबो अन्सुंथाइखौ मोनो हायाखै। मिजरामन नख'र कमिसनार एडस लालेमाभिआ फोरमायनाय बायदिब्ला, राइज्योनि गिबि मन्थि जरमतंगाइआ मिजरामनि गाहाइ हिंसायारि जायगानिफ्राय रगा गोथे जानांनय सुबुंफोरनि थाखाय मिरु सरकारनिफ्राय थाबैनो 10 कौटि राडारि अन्सुंथाइ हरनांगीनि दाबिखौ थांनय मे दानावनो खालामदोमोन। बिथाडा फोरमायनाय बायदिब्ला, मिरु सरकारनिफ्राय अन्सुंथाइ मोनैनि जाउनाव राइज्यो सरकारआ



गावसोरनि सरकारनिफ्राय आथिखालाव गुबुन आफादनिफ्राय आरो सोदोमाफोरनिफ्राय अन्सुंथाइ (फाउन्डर)नि थाखाय आर'ज गाबनांदो। बेनि थाखाय लालेमाभिआ मिरु सरकारनिफ्राय राहा गोथे जानांनय सुबुंफोरनो थाबैनो अन्सुंथाइनि पेकेजखौ दैथायहरनो खावलायदो। लोमोसे हिंसायारि दाडाबाजिनि जाउनाव थांनय 3 मेनिफ्रायनो बैसोर सुबुंफोरनि राहा गोथे जानांनय थासारिखौ भुगिनांनयखौ मिबथिहोदो।

फोरमायदो। मख'नाय जायोदि, बिथानि सिगां मिजरामनि गिबि मन्थि जरमतंगाआबो थाबैनो मिरुनफ्राय अन्सुंथाइ हरनांगीनि दाबि दैखांदोमोन। मिजराम नख'र बिफाननि बायदिब्ला, थांनय शुकुबारसिमाव गासै 12,611 सुबुंफोर मणिपुर राइज्योआव हाबफैफिनगोन, जायनि गेजेराव 4,440 सुबुंफोर कलाशिप जिल्ला, 4,265 सुबुंफोर आइजल जिल्ला आरो गासै सा 2,951 सुबुंफोर साइतुवाल जिल्लायव आश्रय लानानै दड। मिजराम सरकारआ आइजल, कलाशिप आरो साइतुवाल जिल्लायव गं 38 राहा बादा गाइसन्नांदो। बैफोरवा थांनय राइज्योनि सुबुंफोरखौ सरकारनि अनगायै एनजिअ, चार्ज आरो गामियारि सुबुंफोरनि अनगायै गुबुन गुबुन आफादफोर नायसंहेगासिनो दड।

## मणिपुरनि उनाव मिजरामआबो म्यानमारनि सुबुंफोरनि सायाव बायमेट्रिक खालामदो

आइजल, 31 जुलाई: मिरु नख'र मावख'नि बिथोन बायदिये मिजराम सरकारआ म्यानमारनिफ्राय राइज्योआव हाबफैनाय सुबुंफोरनि बायमेट्रिक फोरमानलाइफोरखौ बुधुमनो बिथोन होदो। मानोना थांनय 2021 नि फेब्रुवारि दाननिफ्राय मिजराम राइज्योआव गासै 30 रोजानिफ्रायबो बांसिन म्यानमारनि सुबुंफोर आश्रय लाफैना दड। सरकारनिफ्राय लानाय बे बिथांखिजो गुबुननिफ्राय हाबफैनाय सुबुंफोरनि सायाव नांगौबायदि रेकर्ड लाखिनायनि थांखिजो बे थिरंथाखौ लोदो। लोमोसे बेनि गेजेरजो थासारिखौ गोजोनै लाखिनो हागोननि मिजिथिदो। थांनय सप्ताहआव राइज्यो नख'र मावख'नि बिबानगिरि डेभिड एडस लालतालिनाया आ राइज्योनि दर 11 जिल्लाफोरव



बैसोर सुबुंनि थाखाय पाइलट एक्सरसाइजनि गेजेरजो बायमेट्रिक नि फोरमान बुधुमनायखौ फोरमायदो। गाहायै बैसोर सुबुंफोरनि बायमेट्रिकखौ माखासे रेफु जि रिफिफ केम्पनिफ्राय बांसिनै बुधुमनाय जादो। थांनय एप्रिल दानआव मिरु नख'र मावख'निफ्राय मिजराम आरो मणिपुर सरकारनिफ्राय आइन बैरेखायै राइज्योआव हाबफैनाय गुबुनारिफोरनि बायमेट्रिक फोरमान लाइनि सायाव डाट बुधुमनो बिथोन होदोमोन। लोमोसे बे हाबाफारिखौ मिरु

मावख'आ जुन दानाव फिन फोसावनायनि गेजेरजो 30 सेप्टेम्बरसिमाव फोबोनांगीनि बिथोन होदो। नाथाय दरनैबो सरकारनिफ्राय म्यानमारनि हाबफैनाय सुबुंफोरनि सायाव रोखा बायमेट्रिक बुधुमनायाव माखासे सान गोबाव जाबाय। मानोना बेखौ मावफुनायाव सरकारआ माखासे जेनायव राहा गोथे जानानै दमोन। मिरुनि बिथोन बायदिये आथिखालाव मिजराम सरकारआ म्यानमारनि थागिबिफोरनि सायाव मोनसे रोखा फोरमाननि थाखाय बायमेट्रिक फोरमानखौ

बुधुमगासिनो दडआरो बिसोरनि थाखाय फोरमानलाइ दिहुनानै होदो। सोलिफु समाव गोबां म्यानमारनि थागिबिफोरा बैसोर दरनै राइज्योनि गुबुन राहा बादायाव थांनय जिउ खुंगासिनो दड आरो गोबाडनो भारतिया न' आरो सोमोन्दो। गोनां सुबुंफोरनियाव जिउ खुंनानै दड। बिथांमोननि थाखाय राइज्योआरि सरकारनि अनगायै एनजिअ, चार्ज आरो गामियारिफोरा थांनय-जानायनि खाबु जगायनानै होबोगासिनो दड।

## हादतआव उन्दै लांखारनाय केसआ उत्तर प्रदेशआव बांसिन मोन्दो: रिपट

गोदान दिल्ली, 31 जुलाई : हादतआव स्मिलिं नि केसआ बांसिन जाबोनायखौ नुनो मोन्दो। बयनिखुइबो बांसिन उत्तर प्रदेशआव बेनि केसआ नुजाथिदो, 2016 आरो 2022 नि गेजेराव उन्दैफोरखौ स्मिलिं खालामनायाव बिहारआ नैथि आरो थामथियाव अन्ध प्रदेशआ थादो। दिल्लीयाव करनानि

सिगांनिजो रुजुनायाव उन्दैफोरखौ स्मिलिं खालामनाय केसआव 68 जौखोन्दो बांनय नुनो मोन्दो। भारतआव उन्दै स्मिलिं के सखौ लाना सिस्सुएसनेल डाटा एनालाइसिसनिफ्राय मोनसे जेनागोनो सावागरिया सोराडाव फेदो। बेफोर अन्जिमाखौ गोम्स 2437 आरो नभेल बांन्था



देरहासानो हानाय कैलाश सत्यातिनि गाइसन्नाय कैलाश

सत्याति सिल्लेन फाउन्डेशन (केएससिएफ) आ जुथाइ महै नायबिजिरदो। जाय जिल्लाफोरव उन्दै स्मिलिं बांसिन केस नुजाथिदो बेफोरनि गेजेराव जयपुर सहरआ जौसिनाव दड। फारिलाइनि गुबुन मोनबै जौसिनाव थांनय जिल्लाफोरनि गेजेराव माहारियारि राजथावनि दिल्लीआबो दड। 2016-2022 सिम गासै दर 21 राइज्योफोरनिमोन 262 जिल्लाफोरव स्मिलिं डाटाखौ आबुडै नायसंनय जादो। बेनि गेजेरजो उन्दै स्मिलिं केसआव उत्तर प्रदेशआवनो बांसिन केस थिसन्नायखौ मोन्दो। करनानि सिगां 2016-2019 आव उत्तर प्रदेशआव गासै उन्दै स्मिलिं 267 केसफोरखौ मोन्दोमोन। करनानि उनाव (2021-22) आव बे अन्जिमाया बांनानै 1,204 जाफैयो। कर्नाटक आवबो उन्दैफोरखौ स्मिलिं खालामनाय केसआ 18 गुण बांफेदो आरो गासै बेबायदि केसखौ 110 थिसन्नो मोन्दो। अदेबानि

रिपटआव बुंनय जादो, सांघां अभियानफोरखौ लाबोनायनि उनावबो उन्दै स्मिलिंनि केसआ बांसिनै नुजाथिदो। रिपटआव बेबायदि स्मिलिंनि केसखौ गोहोम गोनाडै नायबिजिरनयनि थाखाय स्मिलिं बेरेखा आइननि इमार्जेन्स गोनाथि जानायखौबो नोजोर लाखिदो। मख'जाथावदि, रिपटआव बुंनयवदोदि, बै गासै बोसोरव 18 बोसोर बैसोनि खमसिन सा 13,549 उन्दैफोरखौ रैखा खालामनो हानायबो जादो। रैखा खालामनो मोन्या उन्दैफोरनि गेजेराव 80 जौखोन्दोआ 13-18 बोसोर बैसोनि, 13 जौखोन्दो 9-12 निमोन आरो 2 जौखोन्दोआ 1-9 बोसोरनि उन्दैफोरमोन। लोमोसेनो रिपटआव हटेल आरो थाबाफोरव बयनिखुइबो बांसिन अन्जिमानि उन्दैफोरखौ 15.6 जौखोन्दो खामानि मावहोनायखौबो मिबथिनो हदो। बेनि उनाव हान्था-मेला उद्यगआव 13 जौखोन्दो आरो जि-जोम उद्यगआव 11.18 जौखोन्दो उन्दैफोर खामानि मावनांनै दड। फारसेथिं 5-8 बोसोर बैसोनि उन्दैफोरखौबो कस्मेटिक उद्यगआव खामानि मावहोनाय नुनो मोन्दो।

## आमेरिकायाव फिन गुलि गावनाय जाथायाव सा 3 जिउ ख'हा



फ्लरिडा, 31 जुलाई : आमेरिकायाव गोखों राहा आरो नेम-खान्थि लाबोनायनि उनावबो गुलि गावनाय जाथाइफोरखौ दावखलायनाय नुनो मोनाखै। बेबायदिनो गोदान मोनसे जाथायाव फ्लरिडा आरो इन्डिआनायाव गासै सा 3 सुबुंफोरनि जिउ गोमायो। आमेरिकानि फ्लरिडा राइज्योनि सिडाव गेन्जिभर सहरआव रबिबारखालि जानाय मोनसे गुलि गावनाय जाथायाव सानै सुबुंफोरनि जिउ गोमायो। फारसेथिं इन्डिआनायाव मोनसे

पाटि खालामनाय समाव जानाय गुलि गावनाय जाथायाव सासे जिउ गोमायो। बिबानगिरिफोरनि मिबथिहोनाय बायदिब्ला, फ्लरिडानि पुलिस बिफानआ गुलि गावनायनि सोदोब खोनानो मोन्यायनि उनाव पुलिस बिबानगिरिफोर जाथाइसलियाव सौहेनानै सुबुंफोरनि गिनानै हांगो-दोंगो खारसारलानायखौ सामलायनो नाजायो। अदेबानि गुलि गावनाय जाथायाव सानै जायगाया फ्लरिडा इडनिभांसिनि जोबोद खाथियावमोनोन। बे सानावनो इन्डिआनायाव रबिबार

फुनि समाव मोनसे गिदिर पाटि सोलिबाय थांनय समावनो गुलि गावज्लायनाय जाथाय सोमजियो आरो सासे सुबुंआ गुलि नांजाना जिउ गोमायो। बिबानगिरिफोरनि मिबथिहोबावनाय बायदिब्ला, बे जाथायाव सा 19 सुबुंफोर जोखोम जायो आरो बिसोरखौ देहा फाहामसालियाव थिसन्ना फाहामथाइ होनाय जायो। मख'नो गोनांदि, आमेरिकानि अनगायै इउप आरो आफ्रिकानि हादतफोरवबो बेबायदि गुलि गावनाय जाथाय नुजाथिनाया सरासन्ना जाबोदो। बावैसो सिगाडाव मिश्रनि सिनाइप्रायद्विपआव मोनसे पुलिसनि मिरुआव जानाय गुलि गावनाय जाथायाव सासे पुलिस बिबानगिरिजो लोमोसे साबै पुलिस मावफारियाफोरनि जिउ गोमायो। रैखाथि आरो सावसि बिबानगिरिफोर बेनि खौरंखौ होदो।

## जम्मु-काश्मीरनि अरनियाआव बिएसएफआ सासे पाकिस्तानिखौ गावथारनो हदो

जम्मु-काश्मीर, 31 जुलाई : जम्मु-काश्मीरआव हरिसामयारि सिमना खाथियाव बिएसएफनि जवानफोरा रबिबारखालि हर गेजेराव सासे पाकिस्तानि हाबखोमाफैनाय सुबुंखौ गावथारदो। बेयो से सप्ताहयावनो नैथि जाथाइ जानाय। बिबानगिरिफोरा फोरमायदोदि, अरनिया सेक्टरनि जाब'वाल सिमना आउट पस्टजो सिरियै



हाबखोमानो नाजानाया बिएसएफ खोनासडाजासे खारखोनो नाजायो, जायनि उनाव होनाय सांघांथिफोरखौ जवानफोरा गुलि गावनांनै

बिएसएफनि सासे बुंथिगिरिया बे जाथायनि सायाव फोरमायनानै बुंदो 30 जुलाई आरो 31 जुलाईनि हर गेजेराव सांघांडे थांनय सान्थि हन्जाया अरनिया सिमना ओन्सोलाव हरिसामयारि सिमना (आइबि) नि साखाथियाव सन्धेह'गोनं थालाय-फैलाय जानायखौ नुनो मोन्दो। सासे हाबखोमाग्रा बिएसएफनि फेरिस फारसे नुनो मोन्दो। सान्थिफोर बिखौ गावथारदो आरो हाबखोमानो नाजानाया फेलै जादो। बिबानगिरिफोर फोरमायदोदि, बे जाथायनि उनाव ओन्सोलाखौ बेंखननाय जादो आरो नागिसानयनि अभियानआ सोलिदो। बियो फोरमाय बावदो जाथायथिलिनिफ्राय गोथे सह'खौ बोखानाय जाबाय। बेनि सिगां 25 जुलाईआव साम्बा जिल्लानि रामगदआव बिएसएफआ 4 किल'ग्रामनिफ्राय बांसिन हिदुनखौ सिमना बाहोखोमानो नाजानाय सासे पाकिस्तानिखौ गावथारदोमोन।

**असम लोकसेवा आयोग**  
ASSAM PUBLIC SERVICE COMMISSION  
Jawaharnagar, Khanapara, Guwahati-781022.

No. 118PSC/CON/Exam-20/2020-2021

**RESULT**

The Assam Public Service Commission hereby declares today, the 31<sup>st</sup> July, 2023, the result of the recruitment to the posts of Lecturer in Mathematics and Health and Physical Education of College of Teacher Education (C.T.E.) under the Directorate of SCERT, Assam advertised vide no. 17/2022 Dtd. 26/08/2022.

The interviews for the said posts were conducted by the Commission in collaboration with Experts deputed by the Govt. of Assam on 28/07/2023. The Commission recommended the following candidates for the said posts, in order of merit:

(1) Lecturer, Mathematics, CTE: No. of Post: 1 No. (UR)

Position	Roll No.	Name of the candidate	Gender	Recommended against vacancy
1	13012	DHARAM RAJ TASA	M	UNRESERVED

(2) Lecturer, Health and Physical Education, CTE: No. of posts: 8 (Eight) RFW: 2 Break-up: UR: 3 RFW:1, STP: 2 RFW:1, SC: 1, STH: 2

Position	Roll No.	Name of the candidate	Gender	Recommended against vacancy
1	12026	BIKRAM SINGNAR	M	UNRESERVED
2	12038	RUSTOM THAPA	M	UNRESERVED
3	12029	RUPSHIKHA DEKA	F	UNRESERVED
4	12019	MRINAL DAS	M	RESERVED
5	12040	BISWAJIT BAGLARY	M	RESERVED
6	12021	MAINAW ISLARY	F	RESERVED

N.B.: In respect of vacancy in STH Category, none could be recommended as there were no candidates for the said category

NB: The Commission will not be responsible for any typing/printing mistakes.  
\* Results may be accessed through the APSC's website [www.apsc.nic.in](http://www.apsc.nic.in)

Sd/-  
Principal Controller of Examinations,  
Assam Public Service Commission,  
Jawaharnagar, Khanapara, Guwahati-22

JANASANYOG/D/7930/23

BODOLAND TERRITORIAL COUNCIL- ASSAM  
OFFICE OF THE DIRECTOR cum CHD, TOURISM DEPARTMENT, KOKRAJHAR

**RESULT**

The Tourism Department hereby declares today, the 31<sup>st</sup> July, 2023, the selection result of students for Hospitality Management courses in Front- Office, Food Production, Food Beverage and Bakery & Confectionery; fully sponsored by Tourism Department, Govt. of BTC at Food Craft Institute (FCI), Samaguri, Nagaon, Assam advertised vide No. DT/G-42/SHMC/223-24/123, dtd. 06/07/2023.

The Oral interview & document scrutiny were conducted by the Joint Secretary, Tourism Department, BTC in collaboration with Principal and faculties of FCI, Samaguri, Nagaon 25<sup>th</sup> July, 2023. The department recommended the following list of students for undergoing the Diploma courses:

Sl. No.	Student Name	District	Caste	Department
1	Sri Gopan Kumar Goyary	Kokrajhar	ST (P)	Food Production
2	Sri Rambilash Brahma	Kokrajhar	ST (P)	Food Production
3	Sri Jwngsar Brahma	Kokrajhar	ST	Front Office
4	Sri Banjar Brahma	Kokrajhar	ST	Front Office
5	Sri Bijay Newar	Chirang	OBC	Front Office
6	Miss Kanchalata Basumatary	Chirang	ST	Bakery & Confectionery
7	Sri Namsang Limbu	Chirang	OBC	Front Office
8	Sri Dhwrwmshar Basumatary	Baksa	ST	Bakery & Confectionery
9	Sri Gwhwm Bodosa	Baksa	ST	Food & Beverage Service
10	Sri Samar Mandal	Baksa	SC	Front Office
11	Sri Dipankar Sarkar	Baksa	SC	Front Office
12	Sri Biban Narzary	Udalguri	ST	Food & Beverage Service
13	Sri Derhasar Daimari	Udalguri	ST	Food & Beverage Service
14	Sri Gwmjwn Daimari	Udalguri	ST(P)	Food & Beverage Service
15	Sri Ismail Basumatary	Udalguri	ST(P)	Food & Beverage Service
16	Sri Jwngshar Goyary	Udalguri	ST	Food & Beverage Service
17	Sri Rinki Baglari	Udalguri	ST	Food & Beverage Service
18	Sri Sansuma Basumatary	Udalguri	ST(P)	Front Office
19	Miss Sangita Narzary	Udalguri	ST	Food & Beverage Service
20	Miss Susanna Daimari	Udalguri	ST	Food & Beverage Service

NB: The selected students are requested to contact the O/o the Director cum CHD, Tourism Department, BTC, Kokrajhar for further necessary details at the earliest.

Sd/-Director cum CHD  
Tourism Department, BTC, Kokrajhar

IPR(BTC)-2023-24/383

**Corrigendum**

No.E- 254801/349 :- Refer this Department's Notice No.E-254801/329 dated 27<sup>th</sup> July, 2023, whereby the authentic candidates who filed appeal against their disqualification in Medical Examination, were called to re-appear before Medical Board on 2<sup>nd</sup>, 3<sup>rd</sup> and 4<sup>th</sup> August at Gauhati Medical College and Hospital, Guwahati. This is to notify that names of the following candidates are excluded from the list of candidates called to re-appear before the Medical Board to be held on above mentioned dates, as in detailed scrutiny it is found that they are not 'disqualified' but 'absent' candidates:

Sl. no	Department	Roll No.	Name of the candidate
1	SJED	2024196	Dhanmoni Saikia
3	SJED	2027130	Mainul Haque Bahar Uddin
6	SJED	2031806	Santosh Kumar Das
46	SJED	2038424	Babul Rabha
79	SJED	2025811	Kabindra Nath Das
82	SJED	2026525	Nil Bahadur Thapa
198	SJED	2036966	Kakau Moni Saikia

Sd/-  
Joint Secretary to the Govt. of Assam  
Department of Social Justice & Empowerment, Dispur

JANASANYOG/D/7937/23

## मुलुगनि मोनसे रहस्य गोनां हायेन जेरावनिफ्राय रावबो गिदिंन सौफैफिनाखै

सोमोनांथाव जॉनि बहुमाव माखासे औरैबायदि रहस्य दड जायखौ दसिमबो जर'खागिरिफोराबो सुखानो हायाखै आरो बिगियानगिरिफोराबो संदाना मोनाखै। बेबायदि रहस्यआ बिगियाननि थाखायबो गिदिर सेलेन्स जानानै दड। मुलुगनि मोनसे औरैबायदि सोमोनांथाव एबा रहस्य गोनां जायगाबो दड, जायनि बागै मिबथिना नै नोंथाडबो सोमोनांगोन। बेयो जादों मुलुगनि मोनसे रहस्य गोनां हायेन। बुनाय जायोदि, दिनैसिमबो बे हायेनखौ रावबो संदाना दिहुनो हायाखै। नाथाय रावबोआनो बेखौ दिहुनो हायाखैबला बेनि बागै माबोरै मिबथिनो मोनखो? होनाबो सौथि सिखाडो। मोनसे रिपटनि बायदिबला बे हायेनआ अरुनाचल प्रदेसनि तिब्वतनि गेजेरावबो बबेबा जायगायाव दड। बे जायगाखौ चांगरि-ला हायेन होना बुनाय जायो। बे हायेनखौ बारमण्डलनि ब्रैथि थोरफो एबा आयाम, जाय समजों गोहोम गोलैजानाय जायगाफोरनि गेजेराव मोनसे



होना गनायनाय जायो। बे हायेनखौ बारमुदा ट्राइयेंगल बायदिनो मुलुगनि रहस्यजों आबुं जायगा होना गनायनाय जायो। बारमुदा ट्राइयेंगलआ सा आटलान्दिक लैथोमानि मोनसे बाहागो, जायजों थांफ्लाडोब्ला जाहाज आरो उयं जाहाज गासैबो गोमानानै थायो। फारसेथिं चांगरि-ला हायेनखौ गुबुन मुलुगजों थोंजों सोमोन्दो गोनां होना बुनाय जायो। असमिया थुनलाइगिरि अरुन शर्मानि बिजाब 'तिब्वत की वह रहस्यमयगाति'आव बेखौ रायखानाय नुनो मोनो। लिरगिरिनि बायदिबला, सासे

लामाया बिथानो फोरमायदोंदि, चांगरि-ला हायेनआव कालनि गोहोम नगण्य दड। बेनि अनगायै बे हायेनखौ तिब्वती रावजों लिरनाय बिजाब 'काल बिगियान' आवबो मख'नाय दड। तिब्वत गेदेमा सुबुं युत्सुंनि बुनाय बायदिबला बिथो गावनो बे रहस्यमय हायेनआव थांखांबाय। बिथानि बायदिबला बेयाव साननि सोरां आरो अखाफोरनि सोरांबो नांहेया। नाथाय अब्लाबो सोरगिदिं बेवहाय मोनसे रहस्य गोनां सोरांआ गोसारनानै थायो। बे हायेनखौ बुहुमनि बोगथाबमा गोहोनि मिरु होनाबो बुनाय

जायो। बेराफारसेथिं बेखौ सिद्धाश्रमबो बुनाय जायो, जायखौ हिन्दु धोरामारि ग्रान्ट एबा धोरोब बिजाब महाभारतनिफ्राय लानानै बाल्मिकि रामायण आरो बेदफोरव बख'नाय दड। खौरनि बायदिबला चीननि सान्श्रिफोरबो बे रहस्य गोनां हायेनखौ संदाना दिहुनो गोबां नाजाबाय। नाथाय जाफुंसारनो हायाखै। गोबां रिपटफोरव फोरमायनाय दडदि, मुलुगनांजैनि जाय जाय सुबुंफोर चांगरि-ला हायेननि रहस्यखौ मिबथिनो एबा सोयडव लाबोनो नाजादों बिसोरो बे हायेननिफ्राय गिदिंबोफिनाखै। □

## वेब सिरिज पन्चायत-3 आव मेजर टइस्ट, कमेडीया बाडाय आरो पलिटिक्सआ बांसिन जासिगोन



प्राइम थ्रीडीअनि मुंदांखा वेब सिरिज पन्चायत-3 आव मेजर टइस्टखौ नुनो मोनगोन। स्वजों सोमोन्दो गोनां सुलुंआ बेनि सोमोन्दै गहाय खौरां होदों। स्वनि सिगांनि मोननै सिजनआव फु लेरा गामिनि फावनि गेजेरजों कमेडी दिन्थिनाय जादों। आधिखालाव


बेनि 3 थि सिजनआव पलिटिक्सनि सायाव बांसिन नोजोर होनाय जागोन। आधिखालाव मेकासंआ नैथि सिजननि जोबनायाव गामिनि लेडाय बिबानगिरि प्रह्लादनि फिसाज्ला थैनायजों बेखौ इसारा होनाय जादों मोनदि फे गौ सिजनआव कमेडिनि सिनखौ

नुनाय नडा। सिजन 3 आव नायगिरिफोरा गामिनि मोनसे सल'जों मोगा-मोगि खालामगोन। बे सिजननि सल'आव प्रधान गेनि अपजिट पार्टीनि गिदिर रल दड। बे पार्टीआ गोखोडे 3 थि सिजननि सल'आव बाहागो लागोन। सिरिजनि लिरगिरि पन्दन

कु मारआ थांनाय 4-5 बोसोरनिफ्राय बे वेब सिरिजनि सायाव नांथाबनानै दड। बिथो बेनि अनगायै गुबुन प्रजेक्टआव हाबाफारि मावनाय नडा। बेनि बिथोनगिरिआ दीपक कुमार मिश्रा। सुलुंनि बायदिबला सिरिजनि 3 थि सिजनआवबो बे कास्ट एन्ड क्रुखौनो रिपिट खालामनाय जादों। जाय बेनि सिगांनि मोननै सिजनआव दडमोन। सिगांनि मोननै सिजनआव पन्चायतनि सेक्रेटारि अभिषेक त्रिपाठिआ फुलेरा गावखौ मोजां मोनाखैमोन नाथाय आधिखालाव जेब्ला बिनि जिउआव प्रधान जिनि फिसाजो रिंकिआ फेयो अब्ला बिथो बे गामिखौनो मोजां मोनो। बेनि अनगायै प्रह्लादनि फावखौ आधिखालाव बांद्राय रंजानाय नुनो मोननाय नंला। □

## आलेक्जेन्डर ज्वेरेभआ हेम्बार्ग इउरपियान अपेननि बिमुं देरहादों

हेम्बार्ग, 31 जुलाड़: आलेक्जेन्डर ज्वेरेभआ हेम्बार्ग इउरपियान अपेननि बिमुंनि मेचआव लास्ल जेरेखौ फेजेन्नानै जार्मानआव गावनि नैथि हौवा सिंगेल्स सेम्पियननि थाखाय 30 बोसोरनि गोलाव सम नेनांनायखौ जाफुंहोनो हाबाय। ज्वेरेभआ बे अपेननि फाइनालआव 2021 एटिपि फाइनालनि उनाव जेरेखौ 7-5, 6-3 स्करआव फेजेन्नानै गावनि गिबि टूफ्रीखौ देरहादों। 1 घन्टा 51 मिनिटसिम सोलिनाय मेचआव 4थि रेंकिनि ज्वेरेभआ गोखौ शटजों बेरेखा बादायारिखौ दबथायदों। बे देरहानायजोंनो बिथाडा बे सिजननि आबुं टुनांमेन्टआव खेवसेबो सेट जेन्नाड जासे बिमुं देरहानाय 5थि गेलेगिरि जानो हादों। मेचनि उनाव ज्वेरेभआ हेम्बार्गखौ गावनि नख'र फोरमायनानै बेयावनो गावनि टेनिस गेलेनायनि जागायनायखौ फोरमायो। लोगोसे गावनि



सिमांखौ मोगथाडाव मोनफिन्नायखौ गोजोन्नाय फोरमायो। ज्वेरेभआ माद्रिदआव थांनाय बोसोरनि मे दाननिफ्राय गावनि गिबि एटिपि टुर बिमुंनि मेचआव बाहागो लाबोदोंमोन। बिमुं देरहानाय बिथाडा डबल गोजोन्नाय मोन्दों। मानोना राफेल नाडालजों 2022 फ्रेन्स अपेननि सेमिफाइनालआव जोखोम मोन्नायनिफ्राय बिथाडा मोजाडाव फेफिन्नानै गावनि

केरियारखौ जागायदों। 2023 नि जागायजेन्नायाव टेनिसनि फोथाराव हाबफिन्नाय ज्वेरेभआ गिबि खेव देरहानो हादों। खेव 20 टुर लेभेलनि बिमुं देरहानाय ज्वेरेभआ गोलाव समनि उनाव बिमुं देरहानायखौ गोजोन्नाय फोरमायदों। ज्वेरेभआ मोजां फर्मआव दिन्थिफुंनाय जेरेनि हेंथायै मोजाडै दिन्थिफुंनो हासिन्दों। बिथाडा सोलिफु सिजननि गिबि एटिपि टुर

फाइनाल मेचनि समाव खेवथाम सार्भिज खोमानांदोंमोन। बिथाडा टेनिसनि फोथाराव मुंदांखा गेलेगिरिफोरजों समान मासियाव जायगा मोनो। खेव 20 टुर लेभेलनि बिमुं देरहानाय ज्वेरेभआ बे जाफुंसारनायजोंनो 2022 नि एटिपि फाइनालआव सौहैनायनि लामाखौ मोजां खालामनो हादों। बे फाइनालआव बिथाडा खेव 2 सेम्पियन जाखांबाय। □

## रंजालि गथ'फोरनि सौरा

### दैज्लां

सम बेयो दैज्लांनि गायनाय फुनायनि सम बेयो, आदाय हालेवदों घोर घोर होनना बाजैया आखायाव खिथिलि खर'आव थप्लासे ओंखाम लाना फेगौ हनै थाबायख' हायि हाबु गाना। थिं थिं सावोननि सानदुंआव मिथिंगा सिख्लानि महराबो गोजा जाहाबबाय, लरहायलांबाय गोदानै गायनाय मायफ्राबो, खोनाफैबाय गोदे सिफुनि देंखो बावगारहाबलायदों थिं थिं सानदुंनि दुंहाबनायखौ, सोर नों जोहोलाव बहानि नों? सोमखोर दुब्लि हाबुआव समारबाय सारि सारि गायनाय माइनि फारिआ। आबादारिनि फोथारा बुंफ'बबाय गोजा गोथां दख'ना खर'आव फालि खाफ्राना माइ गायनाय हनै मादै-बाजै मोननि सारि सारि। जंखाय हरलायदों हनै बिबाजै बिबोनां दे गायदो बाजैमोन मादैमोन, दे हाला एवदो आदामोनहा गायनाय फुनाय बोथोराव गायनि बाखि बुंजासे सोनानै दोनगोन। गैथारला हनै सावोन दानाबो जोबनोसै हनै बयहाबो गायनाय फुनाय, हालजांखा.....

बर' आबादारिनि रंजानाय दे फुनि हाबुनि आबि दे रंजानि बयबो, मेंहाबनाय सोलेरखौ फिन गोगगो खालामफिनि। बयहाबो जोबनानै थांबाय गायनाय फुनाय, जाबाय बयहाबो हालजांखा नानि आलि बेदरनि आखाय मेंहाबनाय आबादारिआ बावगारहोबाय मेंनाय सोलेरखौ।

मनिका गयारि गोदान देलहावसि, गहफुर

### टेट्रकटिस खन्थाड़

जिउ गोथां बिलियाव नुनो मोनो सुबुड सुबुंजों मोनसा-मोनसि

जिउ गोथां बिलियाव नुनो मोनो दुखार सुबुंखौ मुगै मुगै

जिउ गोथां बिलियाव दं सोरबाया दैमा गंसे मोदैनि बोहैनाय

जिउ गोथां बिलियाव नों मोनथारगोन दुखुनि दाहानि बिलिर फैनाय

जिउ गोथां बिलियाव नों गावखौनो सुखार सुबुं होनना दा सानसि

जिउ गोथां बिलियाव नों रावखौबो खालामनो नांथारा मुगै मुगै

दैदोम बर', बाक्सा

### बोराड़ बाथौखौ संदाना

सानसेखालि मोनसिनसिं बोराड़आ बोराड़ बाथौखौ संदाना ओंखार लांदों, गिबि गिबि थांबाय बिथो-थानसालियाव बयबो जेरे बादि सिबिदों खुलुमदों बिथो बे बादिनो खालामदों। मोनाखोसै--बियो गोजोन गैया थानसालिआव बोराड़ बाथौ मन्दिर, मसजिद, गीजा, थानसालि माथो जेरावबो अरलायनाय मोनसा-मोनसि एना एनि खुद्रिलायनाय। बोराड़ बाथौनि खाथिआव नंखाय आर'ज फोलानाय नुफैना निमाहा होथावै खिरा लानाय गोरोन्थि नुना-- दाहाव दाना लाबाय फुजिनो बोराड़ बाथौखौ गोबों सिखव। हा अर दै बार सोदोव बेनो बा-गोथौनि गुमुर-- बेनो बोराड़ बाथौ बेनो आबुडे-जोंसारना थानाय जौथि महर जोंमा गुरु। बेखौ मोनो एबा मोन्दांस'नायनि गाहाड़ लामायानो जादों-- अनलायनाय आरो फोथाइलायनाय जेराव अन्नाय फोथाइनाय गैया बे दोहोरोमाव बोराड़ बाथौ गैया। गैया बिथो जेरावबो--- दडे बिथो गोबोंआवनो, गोबों इसिखव ला बिनि मुं-अराय बुब्लिआव नाड बिनो थानसालि, मन्दिर, मसजिद, गीजा नाड बेनो कौटि रानि न', थायो बिथो रंगिना-संगिना समाइना नौनि खलबसे गोबों इसिखव।

पबित्र ब्रत दैमारी गलाघाट

### आदाया जांखा जानो लाफैनो होनना


हेलो आदा खोनादोंना? आदा आंखौ मानो थगायखो..? जांखा जानो लाफैनो होनना। ना बावबाय नामा ?.. आंखौ लाफैनो होननाया.. ना सम मोनासै। ना जानो गोनां बिखुनजोया रायदों, ना जानो गोनां बिहाव आ बादा होदों। आदा नोंसिनाव... जांखा जानो मोनगोन मिजिजों गोसो खायै खायै उसु-खुथुजों माला आलाय आरन नुजाफैखो हमनो हायासै। जानो लौनो हायाखै उसु-खुथुजों नोंखौ फेगोन मिजिजों माब्ला बानो थियारि जाना नेदोंमोन नौनि फेगोन मिजिजों नेयोसो नेयो सफैया माला माला सोनाव फेसालियाव हाबहैयो आलाय आरन थेवबो नों नुजा फैयाखै। ना Call ना sms गैया Reply Call खौबो दानना हरदों नों। खेवसेल' नडा ... गोबां खेव जाबाय आंखौ थगायनाया। देरलायल' नडा, थानाय बोसोरावबो थगायदों नों। आदा... आनि बिखायावसो दंसे थगायजानायनि दाहा दिखारा। दा नों... बोरै मिथि हानो आनि दुखु। बै दिननि हराव आनि दाहा दिखारखौ बुरखायनो राहा मोनेआव मिथिस्ताबा जासे थाइने मेगननिफ्राय फुवा फुवा बोहैसै दैज्लांनि बाना। दैज्लांनि बानाया मिथिस्ताबा जासे फिलांयो आनि गान्दुखौ। आदा... नोंजों थगायजाना बै दानखोमसि हराव गोसो आनि बायपले लांदों दोरफो दोरफो। बायलानाय गोसोआव नोंखौ लानानै सुजुनाय सिमां आनि आवबा महर लादों, नोंजों थगाय जानाय आनि जिउ लामायाव।

सनिया बसुमतारी ककिला बनगाव, बिस्वनाथ



## रणभिर-आलियानि सावथुनआ 50 कौटि रां आरजिनायखौ बारनो हाबाय

आलिया भाट्ट आर रणभिर सिंघानि सावथुन 'रकि और रानि की प्रेम कहानी' आ थारैनी सिसने माहल फोरार जागायखांबाय। थानाय 28 जुलाइयाव सिनेमाहलफोराव रिलिज जानाय करण जोहरनि बिथोन होनायाव बानायनाय बे सावथुनआ 11 कौटि रांजो जागायदों। नाथाय उकेन्दआव नैथि सानआव सावथुननि रां आरजिनायाव गोवां बानायखौ नुनो मोन्दों। मुलुगनाडे बे सावथुनआ 50 कौटिनफ्राय बांसिन रांखौ आरजिनायाव।



रविबारखालि 'रकि और रानि की प्रेम कहानी' आ बेसेबां कौटि रां आरजिदों आरौ दासिमाव भारत आरौ मुलुगनाडे सावथुनआ बेसेबां रां आरजिदों बिथिडाव नैथि सानआव सनिबारखालि 44 जौखोन्दोनिफ्राय बांसिन रां आरजिनायखौ नुनो मोन्दोंमोन।

शुकबारखालि 11 कौटि रनिफ्राय अपेनि खालामनाय 'रकि और रानि की प्रेम कहानी' आ शनिबारखालि 16.05 कौटि रनि खाथियाव फालांगि खालामदों। रविबारआ करण जोहरनि सावथुननि थाखाय गोवां मोजां फोस्मान जादों, मानोना बे सान खालि सिंगल डेआव धर्मा प्रडाक्शननि बे सावथुनआ 19-20 कौटि रांखौ बक्स अफिसआव आरजिदों। नख 'रारि बक्स अफिसआव' रकि और रानि की प्रेम कहानी'नि नेट कालेक्शनआ दासिमाव 46.33 कौटि रां जाबाय। 46 कौटि रनि उकेन्द कालेक्शन खालामनाय 'रकि और रानि की प्रेम कहानी' आ दासिमाव भारतआव थारैनी 50 कौटि रनि अनजिमाखौ बारनो हायाखौ नाथाय मुलुगनाडे बे सावथुनआ लासै लासै आथिखालाव 100 कौटि रनि फारसे आवगायलांदों। 3 सानआव आलिया भाट्ट आरौ रणभिर सिंघानि 'रकि और रानि की प्रेम कहानी' आ मुलुगनाडे 50 कौटि रांखौ आरजिनाय हाखांबाय। रणभिर-आलियानि अनगायै बे सावथुनआव शबाना आजमि, जया बच्चन आरौ धमेन्द्रखौ गाहाय फावआव नुनो मोन्दों।

## सेलिना जेटलिनि सायाव गाज्रि कमेन्ट खालामनानै पाकिस्ताननि नायबिजिरगिरिया जेनायाव गोग्लैदों

सेलिना जेटलिआ गोलाव समनिफ्राय एकिं मुलुगनिफ्राय जानागाव थादों, नाथाय सशेल मिडियाआव गोवां एकिंभ थायो। बलिउडनि सुपार हिट फावखुंघ्रि सेलिना जेटलिआ गावनि समाइना महरनि थाखाय दिनेसिमबो मुलुगनाडे मिबिथिजायो। फावखुंघ्रिया अराय सम माबेबा नडा माबेबा जाहोनाव सावगारि एबा भिडिअखौ लानानै खौराडव थायो, नाथाय बे खेबआव बियो गावनि सावगारि आरौ भिडिअनि अनगायै मोनसे दुइटीनि जाहोनाव खौराडव थादों। सेलिना जेटलिनि



सोमोन्दै सासे पाकिस्तान नायबिजिरगिरिया गाज्रि कमेन्ट खालामदों, जायनि फिनायखौ फावखुंघ्रिया गोखेथि होदोंमोन। आथिखालाव सेलिनानि बे केसआ नेशनेल कमिसन फर अमेनसिम सौहैदों। सासे पाकिस्ताननि नायबिजिरगिरिया

सेलिना जेटलिनि आखुनि सोमोन्दै माखासे जेना गोनां दुइट खालामदोंमोन। बियो लिरदों, सेलिना जेटलिआ सासेल' औरैबायदि बलिउड फावखुंघ्रि जाय बिफा फिज खान आरौ फिसाल्ला फरदिन खानजों गोवां खेब उन्दुखांबाय। बेनि सायाव

फावखुंघ्रिया नायबिजिरगिरिया गोखौ फिनाय होनानै लिरदोंमोन, मिस्टर संधु आं आसा खालामोदि, बे पस्टखौ शेयार खालामनानै नोंथाड गुवै हौवा जाबाय जानांगो। दुइटर सेल्टी अननानै बेनि हेंथायै एक्शन ला। बै पाकिस्ताननि सावथुन नायबिजिरगिरिया दुइटरआव गोखौ फिनाय होनायनि उनाव फावखुंघ्रिया बिनि हेंथायै एक्शन लादों। सेलिनाया गावनि दुइटर हेन्डेलआव भारतनि फिफिलजों लोगोसे गावनि सावगारि आरौ बेनि कमप्लेननि लाइजामखौ सरकारनिसिम मोनसे सावगारि शेयार खालामनानै लिरदों, माखासे दान सिगां पाकिस्तान सावथुन नायबिजिरगिरि अमेर संधुआ दुइटरआव आंनि सोमोन्दै गाज्रि कमेन्ट खालामदोंमोन, जेराव आंनि गुरु फिज खान आरौ बिनि फिसाल्ला फरदिन सानैजों आंनि गाज्रि सोमोन्दो थानायनि दाय जाबसिन्दोंमोन। आथिखालाव बे केसआ नेशनेल कमिसन फर अमेननि आखायाव दड। मख'नो गोनांदि, सेलिनाया फरदिन खानजों 'न एन्टीनि अनगायै जानशिनआव हाबा मावदों। फावखुंघ्रिया 2001 आव मिस इन्डियानि बिमुंखौ देहाखांबाय। बियो अपना सपना मानि मानि जों बलिउडआव डेब्यु खालामदों।

## सनु निगमनि जोनोम साननि फालिथाइआव टि सिरिजनि बिगोमा भुषण कुमारआ सौहैदों



सनु निगमआ गोवां बोसोरनिफ्राय गावनि गोदें गारांजों सुबुंफोरनि गोसोखौ देरहानो हादों। सनुआ गावनि देंखोजों सुबुंफोरखौ मिनिहोनाय आरौ गावहोनायावबो जाफुंसारदों। सनुनि खौरांखौ मोजां मोनग्रा लाखा-लाख सुबुंफोर दडआरौ बियो गावनि गोदें गारांजों साफ्रोमबोनि गोसोआरौ खर'-मेलेमआव जरखा जायगा आवगिदों। सनुआ 31 जुलाइआव गावनि 50 थि जोनोम सान फालिदों। सनु निगमआ बे जरखा साननि खाबुआव पार्टी होदों, जेराव बलिउडनि माखासे मुंदांखा सुबुंफोरा सौहैदों। सनुनि

पार्टीआव बुषण कुमारआवो सौहैदोंमोन। बिसोर सानैनि सावगारिया गोखेथै सशेल मिडियाआव भाइरेल जादों। हमदानाय बायदिब्ला सनु निगमआ 3 बोसोरनि उनाव टि-सिरिजनि गाहाय भुषण कुमारजों गावनि गासै जेनाफोरखौ फोजोबबाय। मख'नो गोनांदि, बिसोर सानैखौ बारथडे सेलेब्रेशनआव गोबालायनाय नुनो मोन्दों। पार्टीआव भुषण कुमारजों लोगोसे मिका सिं, जेकि श्रफ, सुदेश भसले आरौ राहुल भेहाखौ नुनो मोन्दों। सेलिब्रिटी पेपाराजि भिरल भयानिनि गेजेरजों पस्ट खालामनाय मोनसे बिडिअआव

सनु आरौ बुषण कुमारखौ गोबालायनाय नुनो मोन्दों। भिडिअआव बिसोर सानैखौ सरासन्ना बाश्रा सावरायनायबो नुनो मोन्दों। मोनसे बिडिअआव महाराष्ट्र नवनिमण सेना पार्टीनि गाहाय राज ठाकरेखौ पार्टीआव आलासि महरै नुनो मोन्दों। बियो सनुनो बिबार होदों आरौ फटाफटासो सावगारिनि थाखाय पज होदों। मख'नो गोनांदि, बेयो 2020 नि बाश्रा, जेब्ला सनुआ सशेल मिडियाआव भुषण कुमारनो सांग्रांथि होनानै मोनसे भिडिअखौ फोसावदोंमोन। बियो बै समाव बुंदोंमोनिदि, 'भुषण कुमार आं आथिखालाव नौनि मुंखौ लानानाय नला, नों सुबुंजों दाय खालामना लाबाय। नों बै समखौ बावबाय जेब्ला नों आंनि न'आव फेना नै एलबाम खालामहोदो, स्मिता ठाकरेजों लोगो हमहोदोल' आरौ बाल ठाकरेजों लोगो हमहो होनना बुंफेयोमोन।

## गादार-2 आव सासेनि अनगायै सानै भिलेनफोरा सानि देअलनि जेनाखौ बांहोगोन

## कालजआ सावथुन दिलवाले दुल्हानिया ले जाएंगेनि शुटिनि सोमोन्दै मोनसे बाश्रा फोरमायदों



शाहरुख खान आरौ काजलआ भारतीय सावथुन इन्डस्ट्रीनि बर्यनिखुद स्मान्दिक अनस्क्रीन जरफोरनि गेजेयव सासे। बिसोर सानैआ जेब्लानो स्क्रिनआव फेयो अब्लानो नायगिरिफोरा रंजाखाडो। बिसोर सानैआ दिलवाले दुल्हानिया ले जाएंगेनिफ्राय लानानै कुड कुड हता हे आरौ कभि कुशि कभि घम बायदि गोवां मोजां सावथुनफोरखौ फेन्सफोरनो होदों। काजलआ बावैसो समाव

यश चप्रा नि सावथुन दिलवाले दुल्हानिया ले जाएंगेनि पस्टार शुटिनि समनि मोनसे औरैबायदि जाथायखौ शेयार खालामदों, जायखौ खोनयोब्ला नोंथाडबो मिनियालासे थानो हानाय नडा। आथिखालाव गावनि वेब सिरिज 'दा ट्रायल' खौ लानानै खौराडव थानाय काजलआ गावनि सावथुन दिलवाले दुल्हानिया ले जाएंगेजों सोमोन्दो गोनां मोनसे गोमोथाव जाथायखौ गावनि फेन्सफोरनो फोरमायदों। बियो कार्लि टेलसनो होनाय इन्टरभिडआव फोरमायदोंदि, जेब्ला गाव दिल वाले दुल्हानिया' नि आइकनिक पस्टारनि थाखाय शूट खालामदोंमोन अब्ला बै समाव शाहरुख खाननि फाफिल्लआ गोवां सारदोंमोन। काजलआ बुंबावदोंदि, गाव बै समाव बे पजिशनआव मानो फेखो होन्ना गोवां सानदोंमोन। गाव शाहरुखनि फाफिल्लयाव गाखोनानै बिनि थाखाय गोवां गोसो गाज्रि मोन्दोंमोन। गाव बै समाव बिनियाव नोंथाड थारैनो बेखौ खालामनो हागोन ना होन्ना सोंदोंमोन, जेराव बियो हरखाबे आं गोवां स्ट्र होन्ना बुंदोंमोन।

सानि देअलनि गादार: एकप्रेम कथा'नि रिलिज जानाया थारैनी 22 बोसोर जाबाय,नाथाय दिनेसिमबो बे सावथुनआ सुबुंफोरनि मेगनआव मोदें लाबोयो। तार सिं आरौ सकिनानि उननि सल'खौ गादार-2 आव दिन्थिनाय



जागोन, जायनि ट्रेलारखौ बावैसो समाव रिलिज खालामनाय जादों। ट्रेलारखौ गोवां बाख्नायनाय जादों। सावथुनआ दोहो गोनां दायलगफोरजों बुंफबनाय। सावथुन आरौ सानि देवलनि एकिंटेखौ फेन्सफोरनि अनगायै किं टिक्सफोराबो गोवां बाख्नायदों। बेनि अनगायै सावथुनखौ लानानै आरौबाव मोनसे गिदिर बाश्राया सोराडव फेदों। सावथुनआव सासेनि

## माहाम देहानि राहा

## मेगननि नुथाइ आरौ माखासे बेरामफोरखौ जानगाव खालानो थाखाय फिथाइफोरखौ जानांगौ

जॉनि मेगनआ गोवां सेन्सिटिभ जायो, जायखौ एसे बांसिने जोथोन लानांगौनि गोनांथि दड। बेखौ गोलाव सम सोलिहोनो थाखाय बेनो गोवां भिटामिनफोर आरौ निउट्रिएन्सनि गोनांथि जायो। आथिखालाव सुबुंफोरा लेपटप आरौ मबाइलखौ गोवां बाहायो। बेजोंबो मेगननि सायाव आलादा नारसिन्हाइ गोग्लैयो। ड्राइनेसआ बाडो, मेगनजों रोखायै नुनो गिदिरफोरनि अनगायै गथ'फोरनावबो बाडाय बैसोआवबो मेगनजों सोमोन्दो गोनां बे गासै जेनाफोरा जानो हामो। मेगनखौ हेल्दीयै लाखिनो थाखाय डाइटआव नोजोर होनाया गोवां गोनांथार जायो। भिटामिन ए, सि आरौ इ खौ मेगननि हेल्थखौ मेन्टेन खालामनो थाखाय गोनांथार जायो। बेबायदियाव माखासे फिथाइफोरखौ जानांगौ, जेराव गोवां भिटामिनफोरखौ मोनो।



बिटाकेर'टिनखौ मोन्नाय जायो। बेनि अनगायैबो पीचआव फाइबर, भिटामिन सि, जिंक, कपर बायदि गुणफोरखौबो मोन्नो हायो, जाय मेगननि रेटिनानि थाखाय मोजां। 2. मैथु: मैथुआव गोवां मिनारेल्स, एन्टी अक्सिडेंट आरौ एन्जाइमखौ मोन्नो हायो, जाय मेगनजों सोमोन्दो गोनां गोवां जेनाफोरखौ जानगाव खालामो। बेखौ जानायजों मेगननि नुथाया बाडो। बांबोनाय बैसोखौबो बेयो हेल्डीयै लाखियो। 3. थाइजौ: थाइजौआव भिटामिन ए आरौ भिटामिन इ खौ मोन्नाय जायो। जेराव भिटामिन एआ नोंथांनि मेगन फिथाइआव जानाय इन्पेक्सन आरौ बेक्टेरियाखौ आरौ

भिटामिन इआ मेगननि नुथाइयाव सोलायनाय लाबोयो। भिटामिन इआ मोनसे एन्टीअक्सिडेंटबो, जाय फ्रि रेडिक्ल्सजों मेगनआव जानाय डेमेजिनिफ्राय रेखाथि होयो। भिटामिन एनि बाडइ जानाया मेगनआव ड्राइनेस आरौ ब्लार नुनायनि जाहोन जानो हागौ। 4. गाजर: गाजरआव भिटामिन ए आरौ बिटा केर'टिनखौ मोन्नो हायो। जायखौ मेगननि नुथाइ बांहोनो थाखाय गोनांथार जायो। बेनि अनगायै गाजरआ बिटा केर'टिन, फाइबर, भिटामिन के 1, पेटेसियाम आरौ एन्टीअक्सिडेंटजों बुंफबनाय, जायखौ मेगनखौ हेल्डी लाखिनो थाखाय गोनांथार जायो।

## रहित शेड्डीनि स्वआव अर्चना गौतमखौ मिनिथाव आखु दिन्थिनाय नुनो मोन्दों

टिभिनि मुंदांखा स्टान्टनि सायाव बिथा खालामनाय 'रियेलिटी स्व' खतरों के खिलाड़ी-13 आव बिग बसनि बादायारि अर्चना गौतमखौ सानफ्रोमबो माबेबा नडा माबेबा हाबाफारि मावनाय नुनो मोनो, जायखौ नुयोब्ला नोंथाडबो गोमोगोन। जरखा बाश्राया बनोदि अर्चनानि बे आखुखौ नुनानै सुबुंफोरा गोवां मोजां मोन्दों आरौ बेनि जाहोनावनो बियो सशेल मिडियाआव साग्लोबसारनानै थादों। स्वनि हस्ट रहित शेड्डीआबो अर्चना गौतमनि आखुखौ नुनानै गावनि मिनिनो आंखारनायखौ हमथानो हायाखै। बे खेबआव गिथावना स्टान्टजों



लोगोसेनो गोमोथाव टास्टखौबो नुनो मोन्दों। 'खतरों के खिलाड़ी-13 नि बे सिसनखौ सुबुंफोरा गोवां मोजां मोन्दों। अरायसमनि बायदिनो बे खेबआवबो बे स्वआव सशेल मिडियाआव आलादा-आलादा जाहोनाव खौराडव फेदों। बे खेबआवबो मुंदांखा फावगिरिफोरखौ स्वआव

गिखंथाव स्टान्ट खालामनाय नुनो मोन्दों। बे स्वआव शिभ ठाकरे, रटिन रय, अन्जलि आनान्द, रैपार'डिन'जेम्स, डेजि शह, रश्मि कौर, नायर बेनाजि, आर्चना गौतम, एश्वर्या शर्मा, साउन्डस मौफकिर, आर्जित तानेजा आरौ शिजान खानखौ स्टान्ट खालामनाय नुनो मोन्दों। बिग बस बादायारि अर्चना

गौतमखौ बे स्वआव साफ्रोमखौबो गोवां एन्टरटेन खालामनाय नुनो मोन्दों। अर्चना गौतमखौ बे स्वआव शुटिनि समाव आरौ आथिखालाव स्टान्टनि समाव मिनिथाव आखु दिन्थिनाय नुनो मोन्दों। बावैसो समाव 'खतरों के खिलाड़ी-13 निफ्राय मोनसे भीडिअआ सोराडव फेदों, जायखौ नुनानै नोंथाडबो मिनिथावलासे थानो हानाय नडा। बे भीडिअआव अर्चना गौतमखौ गोवां मिनिथाव-मिनिथाव आखु दिन्थिनाय नुनो मोन्दों। बे क्लिपआ स्टान्टनि समनि। अर्चना गौतमनि मिनिथाव भीडिअआ सम-सम सुबुंफोरखौ एन्टरटेन खालामो।

2 सिनल' दडमोन। नाथाय गावनि हाबाफारिखौ नुनानै बिथोनगिरि अनिल शर्माया गावखौ गोवां बाख्नायदों आरौ प्रजेक्टआव गावनि सिनखौ बांहोदों। बेयो थारैनी गोसो बोनो हाथाव हमदानायमोन, जायखौ गाव अरायसम गोसोआव लाखिगोन। गादार-2 आव गावनि फावनि थाखाय थियारिनि सोमोन्दै रहितआ बुंदों, गाव अरायसम 6-पेक एम्स बहीखौ बानायना लाखिदों। नाथाय बे सल'आ 1971 नि सिगांनि, बेनिखायनो अनिलआ गावखौ आरौबाव बांसिन गोखौ खालामनो सुबरन होदों। बे लुकखौ मोननो थाखाय गावनि लिरथायखौ 3-4 कि:ल' बांहोदों। मख'नो गोनांदि, बलिउड फावखुंघुर सानि देअलनि गादार-2 आ 11 आगस्तआव रिलिज जागोन। सानिआ गावनि सावथुननि फोसावदिआव नाथावनानै दड।

# हादतनाडै 3 बोसोराव 13.13 लाख आइजो आरो हिन्जावसाफोर गोमादों

गोदान दिल्ली, 31 जुलाइ : हादतनाडै 3 बोसोराव 13.13 लाखनि बांसिन हिन्जावसा आरो आइजोफोरा गोमादों। थानाय सप्ताहयाव संसदआव दिन्थिनाय मिरुआरि नख'र मावख'नि अन्जिमा बायदिल्ला, 2019-2021 नि गेजेराव 18 निखुइ जौसिन बैसोनि सा 10,61,648 आइजोफोर आरो 18 बोसोरनि गाहाइनि सा 2,51,430 हिन्जावसाफोर गोमादों। संसदआव फोरमायनाय अन्जिमा बायदिल्ला, बयनिखुइबो बांसिन मध्य प्रदेशनिफ्राय आरो बेनि उनाव नैथियाव सोनाव बंगनिफ्राय आइजो आरो हिन्जावसाफोर गोमादों। बे डाटया नेशनेल क्राइम रिकर्ड ब्यर' (एनसिआरबि) निफ्राय फोसावजानायमोन। मिरुजों खुंजानाय राइज्योफोरनि गेजेराव दिल्लीयावनो आइजो आरो



हिन्जावसाफोर गोमानाय अन्जिमाया बयनिखुइबो बांसिन। माहारियारि राजथावनि दिल्लीयाव 2019-2021 नि गेजेराव सा 61,054 आइजोफोर आरो सा 22,919 हिन्जावसाफोर गोमादों। जम्मु-काश्मीरआव बै बोसोरफोरव सा 8,617 आइजोफोर आरो सा 1,148 हिन्जावसाफोर गोमादों। फारसेथिं मध्य प्रदेशआव सा 1,60,180 आइजो आरो सा 38,234 हिन्जावसा, सोनाव बंगआव सा 1,56,905 आइजो

गोहोम गोनाडै होबथानायनि थाखाय आइन लाबोनायाबो दंफायो। क्रि मिनेल ल' एमेन्डमेन्ट एक्ट 2018 आव 12 बोसोरनि गाहाइनि हिन्जावसाफोरखौ आथोनारि अनागार, जिनाहारि खालामनायनि थाखाय थैनायनि साजाजों लोगोसे गोखों साजा होनायनि खान्थि दड। सरकारआ इमार्जेन्सि हेल्प प्रग्राम जागायदों। बेबायदि इमार्जेन्सि थासारिनि समाव गासै हादतनि जेरवखि जाया 112 नम्बारआव कल हरनो हायो। स्मार्ट पुलिसि आरो रेखाथि सामलायथायाव मदतनि थाखाय टेकन'लजिखौ बाहायनानै गिबि खोलोवआव मोन 8 सहर आहमेदाबाद, बंगालूरु, चेन्नाइ, दिल्ली, हाइद्राबाद, कलकाता, लक्ष्नी आरो मुम्बाइआव 'सेफ सिटि यजना'फोरखौ गनायथि होनाय जायाव।

गोदान दिल्ली, 31 जुलाइ : रसिया आरो इउक्रेननि गेजेराव दासिमबो गोखों दावहा सोलिबाय थानाय समावनो सौदि आरबआ फेगौ दान आगस्टनि हाबजेन्नायावनो मोनसे गोजोन जथुमाखौ दैदेनो थांखि लादों, जेरव भारतआवो बाहागो लागोन। सासे बिबानगिरिया बे खौरांखौ मिबथिहोदों। अदेवानि सौदि आरब आरो इउक्रेनआ बे जथुमानि बागै जेबों रोखा खौरां मि ब थि हो य। ख'। बिबानगिरिनिफ्राय मिबथिनो मोन्नाय बायदिल्ला, बे गोजोन जथुमा एबा सिखर जथुमाया रेट सिनि जाहाज गाथोन सहर जेदायाव खुंजागोन। भारतनि अनगायैबो बे गोजोन जथुमायाव ब्राजिल, खोला आफ्रिका आरो माखासे गुबुन हादतफोराबो बाहागो लागोन। दा वाल स्ट्रीट जार्नेल सेवखानाय



मोनसे रिपर्टनि बायदिल्ला आमेरिकानि हादतगिरि ज' बाइडेन खुंथाइनि सासे गोजौ थाखोन बिबानगिरियाबो गोजोन जथुमायाव बाहागो लानो हागौ। खुंजानो गोनां जथुमानि हाबाफारिखौ क्विभआ सामलायदों। फारसेथिं रसियाआ दावहाखो

लाना गोजोन जथुमायाव बाहागो लागोननि आसा गैया। रिपर्टआव बुंनाय बायदिल्ला, जथुमाया 5-6 आगस्टआव खुंजागोन आरो बेयाव दर 30 हादतफोरा बाहागो लागोन। बबेखानि सौदि आरबनि बिबानगिरिफोर आरो रियाडआव थानाय इउके ननि थान्दै

मावख'निफ्रायबो बेनि बागै जेबो बिबुथि होयाखै। बावैसो सिगांनि बृहस्पतिबाराव आमेरिकानि माहारियारि रेखाथि बोसोनगिरि जेक सुलिबानआ सौदि आरबआव दावबायहैदोंमोन। बेनि उनावनो गोजोन सिखर जथुमा खुंनो थियारि खालामनाय खौराडा सोराडव फेदों।

## आमेरिकानि सान्थि नेटवार्कआव चीनआ भाइरास सोनायनि सन्देह

निउयर्क, 31 जुलाइ : आमेरिका आरो चीननि गेजेराव थोंजोडै दावहा जायखैब्लाबो चीनआ जायबायदि हाबाफारि मावगासिनो दडबेजों बिसोरनि सोमोन्दोआ जेंना गोनांसिन जाबोनायखौ नुनो मोनगासिनो। आमेरिका सान्थि नेटवार्कआव चाइना भाइरास थानायनि आसा खालामनाय जादों। बेबायदि गोदान केसआ सोराडव फैनानै आमेरिकया गिखादों होन्नाबो मिबथिनो मोन्दों। आमेरिकानि बायदिल्ला चीनआनो बे कम्पिउटर कटखौ सान्थि नेटवार्कआव पिठ खालामदों जाहाथे दावहा जायोब्ला बेयो आमेरिका सान्थिनि अभियानफोरखौ हेंथा होनो हायो। बे केसआ सोराडव फैनानयनि उनाव हादतगिरि बाइडेननि खुंथाया कम्पिउटर



कटखौ सदानो जागायो। दा निउयर्क टाइम्सआ मोनसे रिपर्टआव बुंदोंदि, बेनि सिगां मुंदांखा आइटि कम्पानि माइक्रोसफ्टआ गुआमनि टेलिकमिउनि के रान्स सिस्टेमआव रहस्य गोनां कम्पिउटर कटखौ सदानो हानायनि दाबि दैखांदोंमोन। मख'जाथावदि, गुआमआव

आमेरिकानि गिदिरि सान्थियारि मिरु दड। कम्पानिया दाबि दैखांदोंमोनदि, बे कम्पिउटर कर्टआ आमेरिकानि गुबुन सान्थियारि मिरुफोराव थानो हागौ। नाथाय वाशिंगटननि चाइना थान्दै मावख'आ बे रिपर्टखौ नेवसिगारदों। फारसेथिं मालबेयारनि सदानाया बे सन्देह'खौ गोखोंसिन

भारतआवबो चीनआ बिबिन्दो साइभार एटाक खालामखांबाय। भारतआव साइबर एटाक खालामनायफोरनि गेजेराव चीननि आखाय थानाय बांधाया गोबां खेव सोराडव फैनय। साइबर एटाकनिफ्राय जानो गोनां ख'हाखौ लानानै आमेरिकान संसदनि सासे बिबानगिरिया बेखौ टाइम बमजों रुजुदों। बिथाड बुंदोंदि, बे मालबेयारआ चीननो आमेरिका सान्थि मिरुफोरनि मोब्लिव, दै आरो टेलिकम प्रग्रामखौ हेंथा होनो एबा वाशिंगटननि सान्थि अभियानफोराव गोहोम खोखलैनायनि गोहो जगायना होगोन। बेयो फालांगियावबो गात्रि गोहोम खोखलैनो हागौ होन्नाबो बुंदों।

## दिल्लीनिफ्राय लानानै सा-सान्जा आरो खोला भारतसिम अखा हागोनः बोथोर बिफान



गोदान दिल्ली, 31 जुलाइ : भारत बोथोर बिगियान बिफान (आइएमडि) आ फेगौ 3 आगस्टसिम हादतनि गुबुन गुबुन बाहागोफोराव अखा हागोननि इयुन हमदोंदों। सान्जा उत्तर प्रदेश बिहार, झारखण्ड आरो उरियाआव गेजेर थाखोन अखा हानायजों लोगोसे गुबुन गुबुन जायगाफोराव रोजा अखा हागोनखौ लाना बिफाना इयुन

हमदोनानै फोरमायदों। फारसेथिं दिल्ली हिमाचल प्रदेश पान्जाब हरियाणा आरो चन्डिगाडआवबो 3 आगस्टनि उनाव सरसन्सा अखा हागोननि आसा दड। बोथोर बिफाना 2 आगस्टनि गेजेराव गंगा दैमा सेर, सोनाव बंग आरो हिमालयनि आफां ओन्सोलजों लोगोसे सिक्कीमआवबो अखाथि थासारि नुनो मोनगोनखौ

मिबथिहोदों। कंकण, गवा आरो गेजेर महाराष्ट्रनि माखासे बाहागोफोराव बेबायावबा गेजेर थाखोन आरो बबेयावबा गोखों अखा हानो हागौ। बोथोर बिफाना आसाम, मेघालय, नागालेण्ड, मणिपुर, मिज'राम आरो त्रिपुरायावबो माखासे जायगाफोराव अखा हानायनि आसा दड होन्ना फोरमायदों। बेनि अनगायै आन्डामान आरो निकबार द्विप हाञ्चानि माखासे बाहागोफोरावबो अखा मोफ्लामनाय, सार अन्थाइ गावनायजों लोगोसे 1 घन्टयाव 40-50 किल'मिटर गोखेंथिचों बारहुंखा बारनो हागौ।

## थाइलेण्डनि खोला बाहागोआव पटखा फेक्टरि बेरफ्रुनायाव थैनाया सा 121 जाहैबाय



बेंकक, 31 जुलाइ : थाइलेण्डनि खोला बाहागोआव थानाय शनिबारआव मोनसे पटखा कारखानायाव बेरफ्रुनाय जाथाइ जादोंमोन। बेयाव जिउ गोमानाय सुबुंफोरनि अन्जिमाया सा 12 जाहैबाय। फारसेथिं सा 121 जोखोम जायो। सरकारि रिडिअ थाइलेण्डनि बायदिल्ला भुगिनायफोरनि गेजेराव सा 2 उन्देफोरबो दंफायो। उन्देफोरा सासे 4 बोसोरनि आरो सासे 8 दाननि हिन्जावसा। सिएनएननि बायदिल्ला, म्यु न' सहरआव जानाय बे पटखा बेरफ्रुनाय जाथाइआव गुदाम आरो खाथि-

खालानि ओन्सोला सिलिंखार जायो। बेयावनि गं 100 नख'रफोरबो गोबां ख'हा जायो। नाराथिवाट राइज्यो पुलिसनि कामान्दार अनुरुथ इमरबआ रबिबाराव मोनसे प्रेस कन्फ्रेंसआव बुडोदि, पुलिसआ गुदाम बिगोमानि

हेंथायै केस थिसनो। फारसेथिं बिबानगिरिफोरा पटखा बेरफ्रुनायाव बायदि बायखोन्दा मुवाफोरनि सिडाव सोरबा सुबुंआ राहा गोथेना एबा थैनायै थाबावनो हागौ होन्ना सन्देह' खालामदों। रिपर्टनि बायदिल्ला, बे बेरफ्रुनायाव सोरगिदि 500 मिटर गोजानसिम ख'हा जाहैदों। जाथाय जानायनि माखासे भिडिअबो भाइरेल जादों, जेरव ओन्सोलनाडै रोजा गोसोम उखुन्दै खुनाय बिलिडं बायदि बायखोन्दाफोरजों लामाफोरखौ बुंफनयान नुनो मोन्दों।

गोदान दिल्ली, 31 जुलाइ : जों साफ्रोमबो उन्दै समआव बावनासा सुबुंफोरनि सल'खौ खोनानो मोनबोदों। टिभि चेनेलफोरनि स्व'फोराव बावनासानि फावफोरखौ नुनानै साफ्रोमबोनि गोसोआव माब्लाबा नड माब्लाबा थानैनो एसेबां गाहाइ सुबुंआ मुलुगआव दड नामा होन्ना सोंथि सिखाडे जानांगौ। नाथाय मोगथाडरि मुलुगआवबो मोनसे बेबायदिनो जायगा दड, जेरव बावनासा सुबुंफोर थायो। फोरमायनाय बायदिल्ला बे समाव इराननि थागिबि सुबुंफोर जेसेबां गोजौ, बिसोरनिफ्राय 50 सेन्टिमिटरनि गाहाइसिन सुबुंफोर गामियाव थायोमोन। बे माम्मिखौ



माखुनिक मुंजों मिबथिनाय जायो। रिपर्टनि बायदिल्ला 200 बोसोर सिगां बे गामिनि बांसिन सुबुंफोर औरैबायदि गाहाइमोनदि, बिसोरनि न'फोरनिफ्राय लानानै गोनांथि

जानाय गासैबो मुवा-बेसादफोराबो गोबां फिसा-फिसामोन। नाथाय आथिखालाव बेवहाय थाग्रा सुबुंफोरनि गोजौआ बांसिन जाबाय, नाथाय दासिमबो

मुलुगनि सुबुंफोर बायदि सरासन्सा जायाखै। खौरां बुधुमनायाव मिबथिनो मोन्दोंदि, बे गामिया 2005 आव बै समाव 25 से:मि: गोलावनि मोनसे माम्मिखौ मोन्दोंमोन। जावखानायाव एसेबां गाहाइ माम्मिखौ मोनयनि उनाव बे फेथानाय रोखा जादोंदि, इरानआव थानाय माखुनिकजों लोगोसे गासै 13 गामियाव मोनसे समाव बावनासानि शहरमोन। बेखौ लानानै बिगियानगिरिफोरनि आलादा आलादा दाबि दैखांनया जादों। माखासे सुबुंफोर बावनासारनि बाश्चानि सायाव फोथाया, बिसोरनि बायदिल्ला जावखानाय समाव मोन्नाय माम्मिया समनि सिगां जोनोम जानाय सोरबा गथ'नि जानो हागौ।

## चन्द्रयान-3 आ 1 आगस्टआव अखाफोरसिम सौहैसिगोन

बेंगलुरु, 31 जुलाइ : भारतीय अखंमा सदानग्रा आफाद एबा इसर'आ चन्द्रयान-3 आ बुहुमनि कक्षनिफ्राय अखाफोरनि कक्षआव सौहैनायनि थाखाय 1 आगस्टखौ थि खालामदों। इसर'आ 1 आगस्ट मंगलबारनि हरनि 12-1 रिगानि गेजेराव चन्द्रयान 3 नि थ्रस्टर्सखौ स्टार्ट खालामगोन। इसर'निफ्राय बे खौरांखौ होदोंदि, चन्द्रयान-3 आ अखाफोरनि कक्षआव

सौहैनो 6 दान सम नांवावगोन। इसर'नि बायदिल्ला, ट्रान्स-लुनार इन्जेक्सननि हाबाफारिया आबुं जानायाव 18-31 मिनिट सम नांगोन। बे हाबाफारिखौ हर गेजेराव खालामनाय जागोन। लोगोसेनो चन्द्रयान-3 नि अनबर्ड थ्रस्टर्सखौ जेब्ला चन्द्रयान-3 आ बुहुमनि साखाथि पेरिगिआव थागोन अब्लासो थ्रस्टर्सखौ फायर खालामनाय जागोन।



आथिखालाव चन्द्रयान-3 आ 1 कि:मि/सेकेन्ड आरो 10.3 कि:मि:/सेकेन्डनि गेजेराव वेगनिफ्राय मोनसे खोमसि कक्ष लामायाव बुहुमनि सोरगिदि गिदिगासिनो 1 चन्द्रयान-3 नि वेगआ बुहुमनि जोबोद साखाथियाव फेयोब्ला बयनिखुइबो बांसिन (10.3 कि:मि/सेकेन्ड)आरो बुहुमनिफ्राय बयनिखुइबो गोजानसिनाव बयनिखुइबो खमसिन जायो।

## इउनिभर्सिटी गेम्सआव भारतीय आर्चर आरो शुटारफोरा मेडल देरहादों

गोदान दिल्ली, 31 जुलाइ: भारतीय शुटार एश्वर्या प्रताप सिं उमर आरो दिव्यान्स, अर्जुन बाबुताया 10 मिटर एयार राइफल हौवा टीमि कटेगरियाव सनानि मेडल देरहादों। 1894.7 स्करजों बिथामोनहा सनानि मेडल देरहादों। गुबुन फार्से शिनमियाव, शंभुहाइ आरो जु शियाअर्जोआ 1881.9 पइन्टजों सिल्भार मेडल देरहादों। भारतीय शुटारफोर आरो आर्चरफोरा चीननि सेंडुआव खुंजानाय इउनिभर्सिटी गेम्सआव गासै गं 6 मेडल देरहादों। काजाकिस्तानआ 3थि नम्बरआव जायगा आवग्रिनाने 10 मिटर एयार राइफल हौवा टीमि कटेगरिनि ब्रन्ज मेडलआव मुं लाखिदों। हौवाफोरनि सिंगेल्स कटेगरियाव एश्वर्याआ 252.6 पइन्टजों सना



आरो दिव्यान्सआ सिल्भार मेडल देरहादों। बे फारियाव चीननि बुहानआ थामथि नम्बरआव जायगा मोन्दों। कमफाउन्ड आर्चरिआव भारतआ गंनै सना आरो गंसे ब्रन्ज मेडल देरहादों। अभनित कौरआ अमेरिकानि एलिसा ग्रेस स्टारगिलखौ फेजेन्नाने आइजो कटेगरियाव सनानि मेडल देरहादों। हौवाफोरनि सिंगेल्स कटेगरियाव

संग्राम स्पीट बिस्लाया सना आरो अमन शौनिआ ब्रन्ज मेडल देरहादों। सोलिफु समाव भारतआ बे इभेन्टआव गं 9 सना, गं 3 सिल्भार आरो गं 5 ब्रन्ज मेडलजों गासै 17 मेडल देरहानाने मेडलनि फारिलाइयाव जापानजों युथायै 2थि नम्बरआव जायगा आवग्रिना दं। गुबुन फार्से चीनआ गं 21 मेडलजों गिबि नम्बरआव जायगा आवग्रिदों।

## भारतनि हौवा आरो हिन्जाव टीमफोरा मेडल देरहादों



गोदान दिल्ली, 31 जुलाइ: भारतीय हकी टीमआ हौवा आरो आइजो कटेगरिनि दुर्नामेन्टआव मेडल देरहादों। आइजो टीमआ ट्राइ सिरिजआव नख 'शरि' टीम स्पेनखौ 3-0 गलआव फेजेन्नाने सनानि मेडल देरहादों। भारतीय हौवा हकी टीमआवो प्र-लीगनि ब्रन्ज मेडलनि मेचआव ने डारलेन्डखौ 2-1 गलआव फेजेन्नाने। स्पेनिस हकी फेडरसनि

100थि बोसोरारि गाइसन्थाय साननि लोब्यायाव बासिलना सहरआव खुंजानाय आइजो हकीनि ट्राइ सिरिज आरो हौवा कटेगरियाव मोनब्रे टीमफोरनि प्र-लीग खुंजादों। बासिलनानि तेरसा सहरआव भारत आरो स्पेननि गेजेराव आइजो ट्राइ सिरिजनि जोबथा मेचआव जोबनाने थांबाय। बे मेचआव भारतनिफ्राय भन्दना कटारियाआ 22, मनिका 48 आरो

उदिताया 58 मिनिटआव गल सोदों। नाथाय बेनि फिन्नायाव स्पेननिफ्राय रावबो गेलेगिरिआनो गल सोनो हायाखै। 8थि रेंकिनि भारतीय टीमआ सिरिजनि गिबि मेचआव इलेन्डनि हेंथायै 1-1 स्करआव 'डू' आरो स्पेनजों 2-2 स्करआव 'डू' मेच गेलेदों। थामथि मेचआव लालरेमसियामिनि हेट्टिक गलजों भारतीय टीमआ इलेन्डखौ 3-0 गलआव आरो बे खेबआव स्पेनखौबो 3-0 स्करआव फेजेन्नाने। भारतआ गुपु स्टेजआव बे देरहानायजों 8 पइन्टआव गिबियाव जायगा आवग्रिनाने सनानि मेडल देरहादों। गुबुन फार्से बासिलनायाव मोनब्रे टीमफोरनि गेजेराव खुंजानाय हकी प्र-लीगनि फाइनाल आरो ब्रन्ज मेडलनि मेचआव जानाने थाडो। भारत आरो नेडारलेन्डआ थामथि मासिनि मेच गेलेदों, जेयव भारतआ बे मेचआव 2-1 गलआव देरहादों। भारतनि जानाने केपेन हर्मनप्रिट सिंआ 15 मिनिटआव गल सोनाने टीमखौ

## मुम्बाइ फ्रेन्चाइजिआ बिमुं देरहानाने ट्रफीनि फारिलाइयाव गिबि नम्बरआव

गोदान दिल्ली, 31 जुलाइ: मुम्बाइ फ्रेन्चाइजिआ रिंलाइन्स इन्डस्ट्रीस लिमिटेडनि मुंदाखा टीम जानाने दड। बे टीमनि बिगोमाया मुकेश आम्बानि। मुम्बाइनि फ्रेन्चाइजिनिसिम दरब्रे गुबुन हादतआव मोनबा फ्रेन्चाइसि टीमफोर दड। जायनि फारियाव मुम्बाइ इन्डियान्स (आइपिएल), एमआइ केप टाउन (एसए-20), एमआइ इमिरेडस (आइएलटी-20) आरो मुम्बाइ इन्डियान्स अमेन्स (अमेन प्रिमियर लीग), मेजर क्रिकेट लीगआव एमआइ निउयर्कनि टीमफोर जाफूसारदों। मुम्बाइनि फेन्सफोर मुलुगनाइ गोसोराने दड। जायफोर बेनि टीमफोरखौ मदद खालामनो स्टेडियमआव सौहैयो। आथिखालाव मुम्बाइ इन्डियान्सआ आइपिएलनि



जाफूसारनाय टीम जानाने फेदों। रहित शर्मानि केपेनआव मुम्बाइ इन्डियान्सनि टीमआ खेब 5 आइपिएल ट्रफी देरहाबाय। मुम्बाइआ हारभजन सिंनि केपेनआव सेम्पियन्स लीग टी-

20 (2011) आरो रहित शर्मानि केपेनआव सेम्पियन्स लीग टी-20 (2013) नि बिमुं देरहाखांबाय। आइपिएलआव मुम्बाइनि टीमआव एरैबायदि गोखौ गेलेगिरिफोर दड; जायफोर

माखासे बलनि गेजेरावने मेचनि दिगखौ सोलायहोनो हायो। अमेन प्रिमियर लीगआ 2023 नि मार्च दाननिफ्राय जागायदों। हरमनप्रिट कौरनि केपेनआव बे लीगआव मुम्बाइ इन्डियान्सआनो बिमुं

देरहादों। निकलास पुरनि केपेनआव एमआइ निउयर्कआ मेजर लीग क्रिकेटनि गिबि सिजनि बिमुं देरहाबाय। फाइनालनि मेचआव एमआइआ सिप्टल अकासखौ 7 उइकेटजों फेजेन्नाने। मेजर लीग क्रिकेट 2023 नि फाइनाल मेचआव एमआइ निउयर्कनि केपेन निकलासआ टसआव देरहानाने गिबियै बलिं खालामनानि थांखि लायो। सिप्टलआ गिबि बेटिं खालामनाने कु इन्टन डी ककनि 87 रान लानानि मददजों 183 रान लादोंमोन। जायनि फिन्नायाव निउयर्कनि टीमआ 55 बलआव 137 रान लादों। जायनि गेजेराव खेब 10 ब्रे रान आरो खेब 13 द' रान लादोंमोन।

## मुलुगनि नम्बर-1 आइजो गेलेगिरि इगाया बिमुं देरहादों

हेम्बार्ग, 31 जुलाइ: मुलुगनि नम्बर-1 आइजो गेलेगिरि आरो टप रेंकिनि बादायारि इगा स्वितातेकआ पलेन्ड अपेनआव मोजाडै दिन्थिफुंनो हानाने बिमुं देरहाबाय। बे दुर्नामेन्टनि बिमुंनि मेचआव इगाया लर सिजमनखौ 6-0, 6-1 स्करआव फेजेन्नाने बोसोरनि 4थि बिमुंखौ देरहादों। फ्रेन्स अपेननि सेम्पियन स्वितातेकआ दुर्नामेन्टआव खेबसेबो शेटआव जेनाखै। बिथाड सोलिफु बोसोरारि दहा आरो स्टगार्टआवबो बिमुं देरहादोंमोन। पलेन्डनि गेलेगिरि इगाया गावनि जाफूसारनायाव टीमजों लोगोसे नख 'नि सोद्रोमाफोरनिसिम साबायख' र हरदों। बे दुर्नामेन्टआव गेलेनायखौ मोनसे केरियारनि गिदिर सेलेन्ज फोरमायनाने बिथाड बेयाव बिमुं देरहानायखौ गोञोनाय फोरमायदों। बेनि सिगां इगाया सेमिफाइनालआव बेल्जियामनि यानिना भिकमायेटखौ 6-1, 7-6 स्करआव फेजेन्नानेमोन। बोथोर



दुंखावनानि जाउनाव थांनाय शनिबारखालि दुर्नामेन्टनि मेचआव दोन्थ 'जानायनि उनाव उरनि सानखालि इगाया मोजाडै दिन्थिफुंनो।

## एसियान वेटलिफ्टि सेम्पियनसिपआव जानेश्वरिआ मेडल देरहादों



गोदान दिल्ली, 31 जुलाइ: भारतनि आइजो वेटलिफ्टर जानेश्वरि यादव आरो कयल बारआ ग्रेटर नएदायाव खुंजानाय एसियान इयुथ

एन्ड जुनियर वेटलिफ्टि सेम्पियनसिपआव आइजोफोरनि 49 कि:ग्रा: लिस्थायारि कटेगरियाव सिल्भार मेडल देरहादों। जानेश्वरिआ जुनियर आरो कयलआ इयुथ कटेगरियाव नैथि नम्बरआव जायगा मोन्दों। गौतम बुद्ध इउनिभर्सिटीआव खुंजानाय बे सेम्पियनसिपनि थामथि सानाव जानेश्वरिआ गासै 175 कि:ग्रा: लिस्थाय दैखादों। बिथाड स्नेचआव आरो क्लीन एन्ड जार्कआव मिजिथिनय बायदिदै दिन्थिफुंनो हायाखैमोन। बेनि सिगां जालांनय कमनवेल्थ सेम्पियनसिपआव बिथाड सिगाडव देरहालांनय सनानि मेडलखौ लाबोफिन्नायाव फेलें जादों। 20 बोसोरनि गेलेगिरि जानेश्वरिआ स्नेचआव 78 कि:ग्रा: आरो क्लीन एन्ड जार्कआव 98 कि:ग्रा: लिस्थाय दैखादों। फिलिफाइननि रसेजिआ बे इभेन्टआव सनानि मेडल देरहादों। गुबुन फार्से इयुथ कटेगरियाव कयलआ स्नेचआव 69 कि:ग्रा: आरो क्लीन एन्ड जार्कआव 86 कि:ग्रा: लिस्थाय दैखानाने गासै 155 कि:ग्रा: लिस्थाय दैखानो हादों।



# मुलुगनां आहार दौनाय सप्ताह

1-7 आगस्ट, 2023

“नर्मेल आरो सिजारियान सेक्सननि जोनोम होनायनि 1 घन्टानि गेजेराव गिबियै आहार दौनायखौ जागाय”

मुखि केशव महन्त  
मन्थि, देहा आरो  
नख 'र अन्साइ, आसाम

### आहार गाइखेरनि मुलाम्फा

- सासे गथ 'नि जौगानाय आरो देरहानायाव हेफाजाब खालामो
- मोन्दांथि आरो बुजिनो हानाय गोहोनि जौगानायखौ दावगाहोयो
- बेराम सन्देरनाय आरो लोरबां जालांनयनि हेथायै गथ 'खौ रेखाथि होयो।
- आहार दौनायजों सरासन्ला गथ 'फोरनि बेराम जैरे डायेरिया एवा निउमनियार्जों गथ 'फोरनि थैनायखौ बाडाइ खालामो
- गथ 'फोरनि लोमजानायनिफ्राय गोखैयै मोजाडाव लाबोनायाव हेफाजाब खालामो
- विमानि मोजां आरो देहानि थाखाय विहोमा होयो, आहार केन्सार आरो फिसाख 'गैये जानायनि जिंगाखौ गैया खालामनायाव हेफाजाब होयो

जायखि-जाया देहाजों सोमोन्दे थानाय सौथिनि

थाखाय 104 आव कल खालाम



### रोखा खालाम

- जोनोम जानायनि गिबि 1 घन्टानि गेजेराव आहार दौनायखौ जागाय
- 6 दानसिम एक्सक्लुसिभ आहार दौ
- 2 बोसोर एवा बेनि बांसिन बैसोसिम गुबुन जाग्रा आदारजों लोगोसे आहार दौलांबाय था



(NHMD/2023-24/1087)

एम्बुलेन्स सिबिथायनि थाखाय  
108आव कल खालाम